


Ang Buhok ni Ester : I

TOLENTINO

1914



711.27



ANG
BUHOK ni ESTER

NOBELANG TAGALOG

Modesto Nisola

TAGUBILIN:

Ang aklat na itó ay aring tunay ng kumat-
hâ, at walâ sino pa mang makapagpapalimbag
nitó, kung walâ siyang lubos na kapahintulutan.

ANG KUMATHA.

ANG BUHOK_{ni} ESTER

NOBELANG TAGALOG

da
Moderato Kivola

UNANG BAHAGI

SINULAT NI

Aurelio Tolentino

UNANG PAGKALIMBAG

LIMBAGANG NOLI

G. Tuason 206, Sampalok, Manila.

DICIEMBRE NG 1914.

Grad
FL
GDS. 2
165
V. 1
B. 1/2

PALATANDAAN

KABANATA

PISNGI

- I—Kidlat Sa Loob Ng Isang Bahay . . . 11
II—Bagyo Sa Loob Ng Isang Pulo . . . 27
III—Simula Ng Kapaslangan . . . 39
IV—Namitak Ang Pag-ibig . . . 56
V—Ang Tabil Ni Gloria . . . 74
VI—Dinaig Ng Munting Pipit
Ang Lawin Hari Ng Bangis . . . 87
VII—Kahapon, Ngayon At Bukas . . . 102
VIII—Hapunan At Talumpati . . . 117
XI—Abogadong Palaka, Kupidong
Manok, Haring Alipin, Ulupong
Na Makabayan . . . 131
X—Dinagit ng Lawin . . . 147
-

PAUNAWANG LIHAM

NI DR. FELINO SIMPAO



G. AURELIO TOLENTINO

Pinakamanahal na kaibigan:

Nabasa ko ang sulat kamay ng nobela nin yong «ANG BUHOK NI ESTER», at ng aking matapos, ay nasabi ko pagdaka, na anaki'y may gayumang panghalina sa saganang-inam ng kaniyang salaysay.

Gayon ang palagay ko, sapagka't pagdakang natapos kong basahin ang unang kabanata, ay ako'y hinikayat na habulin ko ang kaniyang mahalagang salaysay, at kahit ko ninais, ay hindi naaring siya'y lisanin ko sandali.

Ako'y hinikayat sa ikalawang kabanatà, at pagkatapos nitó ay ako'y hinikayat pa rin sa ikatlong kabanatà.

Ako'y sumunod, at ang wika ko'y pagkatapos nitó ay siya'y sandaling lilisanin, at bukas ko na itutuloy ang pagbasa sa kaniya.

Subali't ang gayóng balak ay hindi rin nangyari, sapagka't pagdakang natapos kong basahin ang ikatlong kabanatà, ay akoy pilit na hinikayat sa ikapat na kabanatà.

—"Ito na lamang,"—anakin. Subali't nang ang ikapat na kabanatà ay aking natapos, ay lalo pa akong pinilit na pumasok sa ikalimang kabanatà, at ako'y hindi na nilubayang itinaguyod hanggan di ko sinapit ang kaniyang katapusan.

Marami ang mahalagang bagay na napansin ko sa nobela ninyong aking nabanggit sa itaas:

Una:—Ang kasamaan ng karunungan, kung ito'y mahilig sa kasakiman, at walang kapaslangang di gagawin, walang dangal na di yuyurakan at walang pagmamahal na di paglililuhang gaya ng inasal ni Gerardong gumawa ng lahat na kapaslangang sinasalaysay ng iniyong nobela.

Ikalawa:—Ipinakikita sa babayi ang katotoha-

nang bagá mât siya'y mahinà, kung tatatagan ang kaniyang dangal, ang kaniya ring sariling kahinaan ay siyang magiging saganang lakas na lulupig sa mga salot ng kapaslangan, gaya ng inyong ipinamalas, sa kagitingan ni Glorang pinaka-kaluluwa ng inyong salaysay.

Ikatlo:—Ipinakikita rin naman sa lalaki ang lalong dalisay at taimtim na pag-ibig, gaya ng ginawâ ni Oscar na hindi nag-alanganing umakyat na kusà sa bibitayan, bagá mât siya'y walang kasalanan, huwag na di magampanan lamang ang kaniyang kapangakuan sa babayng sinisinta.

Ikaapat:—Ang pagmamahal sa magulang, sa kapatid at sa kapuwa tao, sampu pa ng katatagán ng kalooban, laban sa malambing na hikayat ng lalong malagablab na pag-ibig, gaya ng napagmamalas kay Ester, sa lahat niyang mga kagagawan at kilos.

Ikalima:—Itinatanghal na ang isang tulisan, gaano pa man ang kaniyang kasamaan, kung siya'y magbalik loob, at ipakita sa gawâ hindi sa salitâ, ang kaniyang pagtatanggol sa katarungan, ay siya'y may karapatang

magkamit ng kapatawarán, at mamuhay na takimih at mapalad, gaya ng inyong Dimas na nagligtas kay Gloria sa bundok.

Ikanim:—Ang pagkabinigit sa kamalian ng mga kasalukuyang hukuman, at ang kakapusan ng mga kautusang umiiral; na lagi ng nakapagpaparusa ng taong walang kasalanan, gaya na nga ng nangyaring makalawang hatol bitay, una'y laban kay Ruben, at sumunod ay laban kay Oscar, na kapuwa walang munting pagkaalam sa kapaslangang sa kanila'y ibinitang.

Ikapito:—Aag laki ng kahulugan ng isang halal (voto) sa pagpili ng mga pinunon magtaguyod sa buhay ng bayan, at ipinakikilala ang mabubuti at masasamang kandidato at "politiko," upang matutuhang hirangin iyong makapagpaparangal sa Lahi.

Ikawalo:—Itinatanghal na ang katarungan ay sapilitan magtatagunipay sa ibabaw ng kapaslangan, kung hindi man ngayon, ay bukas, upang siya ang maging tanging timbulan ng buhay sa habang panahon.

Gayon pa man ang wika ko, ay nababatid

kong hindi akó ang dapat magbigay ng uri sa inyong nobela: may mga magiting na pantas na dito'y dapat sumayod. Subalit yamang ako'y siyang unang pinalad na magbigay ng pasiya, kaya't nawika kong gaano pa man ang parangal na gawin ko, ay kulang pa rin at hindi makakatumbas ng inyong aklat, sapagka't sa ganang akin, ang nobelang «Ang Buhok ni Ester» ay hindi katâ ng simbuyó ng nais na makasulat at sukat, kungdi igmuhit ng nag-aakay sa kabutihan, upang sa kaniya'y mapisang lahat ang maraming bagay na hinihiling ng mga ganggayong kasulatan, na dapat ipagmalaki ng ating Lupang Tinubuan.

Handog ko ang aking dibdib.

Felina Simpono.

Wawa, Kapamp. 2 Septiembre, 1911



TAGUBILIN.

Ang aklat na ito ay aring tunay ng gumawâ, at wala sino pa mang makapagpapalimbag, kung wala siyang lubos na kakahintulutan.

ANG GUMAWA.

ANG BUHOK NI ESTER

KABANATANG I.

Kidlat sa loob ng isang bahay.



Kalulubog pa lamang ng araw sa kalunuran at kasalukuyang inilaladlad ng gabí angkaniyang mahiwagang tabing.

Waláng buan, nguni't maliwanag ang panahon sapagka't waláng alapaap na kumukubli sa mga maluningning na bituing nangakangiting nagkikislapan sa himpapawid. Pawang katahimikan ang handog sa buhay ng sansinukuban.

Noong gabing iyon, ika 7 ng Julio ng taong 190.....ang bahay ni kapitang Luis Gatsalian sa bayang X., lalawigang Y., ay nagluluningning din at anaki'y nakikipagpalaluan sa nabanggit na masayang langit.

Ang mga ilaw na tumatunglaw sa buong bahay

ay pawang mga "Voltaicong" ulid Tito Landi, at ang mga ito ay nagsasabog ng masayang liwanag na anaki'y sikat ng araw na namimitak.

Ang mga palamuting tapil (cuadro), mga likmuan, mga hapag at iba pang sari-saring maririkit na kasangkapang bagay lamang sa mga bahay na lumulutang sa saganang kayamanan, ay pawang makikinang at malilinis. Ang mga mataas na pintô ay pawang pinalamutihan ng tabing na sagang tinuhog at sinalitan ng tig-isang daling tambô, sari-saring kulay, palamuting tabing na lalong nakapagpapasigla sa gayong kalaki at karikit na bahay.

Ang kabahayan nito ay maaliwalas at masayan lubha. Dooy nangakahanay ang marami at nagpapainamang likmuang yari at inukit sa bayan ng Wawa, mga likmuang nagpaparangalan sa kanilang mataas na sandalan, ng sutlang sapin, sulam (bordado) na maririkit na uhay na tinahi ng matalinong kamay.

Sa dakong kaliwa ng nasabing kabahayan ay may dalawang pintô: ang isa'y tungo sa silid ni Ruben na anak ni kapitang Luis, at ang isa

namán ay tungo sa silid ni Gerardong kaniyang pamangkín. Sa dakong kanan ay may dalawá ring pintô: ang isá'y tungo sa silid ng naturang kápitang Luis, at ang isá namán ay tungo sa silid ni Ester na marilag niyan anak. Sa dakong likurán ay dalawa rin pintô: ang isá'y tungo sa hagdanan at tulóy sa kakanan at lutuan, at ang isá naman ay tungo sa isang mahabang dalaydayang nilalabasan ng magkakasunod na anim na silid na pawang laan sa mga panauhin at dalaw.

Sa pagitan nitóng hulíng dalawang pintong nabanggit, ay may isáng marikit na pianong yari sa pagawaan ni Pio Trinidad, bukod sa isáng violonchello, at sang violíng nangakasabit sa magkabilang dako.

Si kápitang Luis ay talagáng mahiligín sa tugtugin.

Sa dakong likurán noong maringal na bahay ay naroon ang isang panig na lalong maaliwalas at malamig kay sa lahat. Ito'y limigiran ng tambusan (balcon) at binakuran ug maririkit at nilalik na talasok. Buhat sa tambusang itó ay natatanawang walang kubli ang malapit at ma-

yabong na bundok noong lalawagan.

Buhat sa paa ng naturang bundok ay nakalagtag na parang malapad na banig na kulay lungtian (verde), hangang kabayanan, ang malawak na palayang ari ng bantog na mayamang kapitang Luis Gatsalian.

Ang maaliwalas na panig na yaon ay siyang kakanán sa nasabing bahay.

Doo'y nakahandâ ang isang mahaba at mayamang hapag na naghahandog ng dalawang puo't limang "kubiertos" na pilak, pinggang susón-susón at maririkit na singgalong. Sa gitnâ ay nangakahanay ang limang "palilyerang" yari sa Apalit, na nagpaparangalan ng sari-saring panghiningang dapat kainggitan ng tunay na sampaggita, kampuput, uhay, ibon paru paró at iba pa, bukod sa maraming bulaklak na kasalit sa gitnâ ng hapag, mga bulaklak na nagsasabog ng masamang bangó sa gayong karikit na kakanán.

Sa panig na yaon ay doon nagsasayahan at nagkakainngayan ang anim na alila ni kapitang Luis: tatlong babayi at tatlong lalaki.

Ang isa sa mga itó ay tumutugtog ng

kudyapî, at ang dalawa nanian ay nagsasayaw sa gitnâ, sayaw bukid, na kung saan ang babayi ay makiring umi-indak, hawak ang kalong ipuputong sa lalaking kaniyang kalibad.

Naroon ang palakpakan, ang maingay na tawanan, ang malambing na biruan: naroon ang ibinabalitang kaluwalhatian sa langit.

Biglang dumating ang isang magarang lalaki, si Gerardo Mata, may dalang kumpas na pamalò sa kabayo.

—Mga kalabaw!,—ang kaniyang mabalasik na sigaw sa mga alila.

Ang nga ito ay pawang nangatal ng takot.

—Anóng kaguluhan at kainngayan ang gawâ ninyó rito?,—ang lalong mabalasik niyang tanong.

—Poon ko po,—ang sagot ng isang matandang ubanin,—kami po lamang ay nagsasaya, dahil sa ngayong gabi ay darating si Ruben. Kami po ay sasalubong sa kaniya at pararangalan namin ang kaniyang pagtatagunpay sa maluwalhating pagkatapos ng kaniyang pag-aaral.

—Maglubay ka, matandang kalakyan,—ang bulas ni Gerardo,—maglubay ka, kung ayaw mong magputok ang iyong likod.

—Poon ko pô.....

—¡Ah tulisán!.....

At anyong hahagupitin ng palò ang mga alilà.
Biglang dumating si kápitan Luis.

Kung malaki man ang kaniyang kayamanang salapî at lupain, ay lalò pa namáng malaki ang kayamanang buti ng kaniyang mabait na ka-looban.

Siya'y pinamagatang «amá ng mahihirap», dahil sa walang dukhang lumapit sa kaniya, na di nagtamó ng kaniyang kailangan.

Si kápitang Luis ay balo, at sumasakay na sa anim na puong taóng gulang. Ang mga mayayama't dukhá, marurunong at mangmang na nakakikilala sa kaniya ay pawang nagpipitagan at pumupuri sa marangal at malungap niyang pakikipamayan. Bukod tanging duligás at lapastangan sa gayong kabait na matandá ay si Gerardong kaniyang pamangkin.

—{Bakit?—ang dagling tanong ni kápitang Luis, sa bigla niyang pagdating.—{Anó yoon?

—Ang mga kalabaw na itó,—ang sagot ni Gerardo,—ay maingay pa kay sa isang kawang

—¿Kung anó nga yaon? —ang lalong madiin tanong ng matandà.

—Kami po'y nagsasaya,—ang sagot ng tumutugtog ng kudyapi,—dahil sa ngayong gabi ay darating si Ruben, taglay ang katibàyan ng kaniyang pagka-doktor, at.....

—Oo, mabuti: gayón nga ang ibig ko,—ang sang-ayon ni kapitang Luis.—Kung hinggil sa aking anak na si Ruben, ay di kailangang magibâ man itong bahay sa inyóng mga kasayahan. Sulong at magsayawan nga kayó.

—¡Mabuhay si kápitang Luis!,—ang malakás na sigawan ng mga alila.—¡Mabuhay ang amá ng mga mahihirap!

Muling kinulantingting ng matandang alila ang kaniyang kudyapi, at ang iba'y nagsayawan, nag-awitan, nagtawanan at nagsigawang mainga'y pang di hamak kay sa dati Sa malaking galit ng makisig na Gerardo, lalo't siya,y walang magawang laban sa kaniyang amain, ay umalis na dumadabog.

—Ganiyan nga ang ibig ko,—ani kapitang Luis sa mga alila.—Kayo,y magsayawan at magsaliwan, parang pagsalubong sa pagdating

ni Ruben, sa pagkatapos ng kaniyang pag-aaral.

Napagod mandin ang mga alilà, at sila'y sandaling naglubay. Sila'y pinalakpakan ni kapatang Luis, sa malaking tuwâ at pagmamahal.

—Marikit, —aniya.—Napakarikit at naibigan kong lubhâ. At ang lahat ng iyan ay ipinatangkol ninyo sa aking anak na si Ruben. Salamat. Minamahal ninyo siya, ¿di ba tunay?

—Poon ko pô!, —ang sagot ng isa.

Oo, nalalaman ko, minamahal ninyo siya.—ang sabat ni kapatang Luis. Nalalaman kong siya'y minamahal ninyong gaya ng pagmamahal ninyo sa isang manunubos sa karalitaan; nalalaman kong siya'y minamahal ninyong mahigit pang di hamak kay sa akin, at

—Hindi po naman

—Di kailangan ang gayón. Ako'y hindi nagagalit, bagkos ko pa kayóng lalong mamahalin kay sa dati. Kayóng mga lalaki ay magsipamili ng mga bagong parokang (zapatos) at kalô. Ayàn ang tatlong puong piso: ang kalabisan ay paghati-hatiin ninyóng parang mabubuting magkakapatid. Kayóng mga babayi ay magsipamili rin ng mga bagong parokang na

sapatilyang terciopelong pelusa, at panyóletang sutlâ, yaón sanang malapad, marikit at may masayang kulay. Ayáng ang tatlong puong piso: ang magiging kalabisan ay inyó ring paghati-hatiing parang tunay na magkakadtid. Ang salapíng iyan ay hindi kabilang ng dating nakukuha ninyó sa akin, at hindi ko sasaklitin sa inyóng sahod na buanan dito. Ang sa, laping iyan ay pabuyà ko lamang sa inyó. dahil sa pagdating ni Ruben ngayong gabi... ¿Ano? ¿Nahahanda na bagá ang bagong damit na bibihihisin?

—Handâ na pô.

—Kung gayón ay mangagbihis na kayó. Nais kong kayo'y datnang makikisig ni Ruben. Sinabi niya sa akin na kayó'y kaniyang ipinagmamalaki at ikinadadangal. Akala niya'y kayó'y mabubuting tao, at marahil ay hindi siya nagkakamali sa gayong sapantahâ, datapuwa't pagpilitan naman sana ninyong patunyan sa gawâ na siya'y hindi nagkakamali sa paniniwalang kayó nga ay mabubuting tao.

Hayo't mangagbihis na kayong madali.

—Satamat pô dito sa bigay ninyong....

—Walang sala-salamat. ibig ko lamang na kayó'y mangagsayahang ubos-kaya. Hayo na't magsipagbihis.

Ang mga alila'y nagsipagpaalam ng tigib ng tuwa, at ganap ua tinupad ang mga bilin ng kanilang poon.

Ng si kápitang Luis ay maiwang mag-isa, ay tinutop ang kaniyang noo, sakâ nagnilay-nilay.

—Hindi ko mapagwari kung anó ang nang-yayari kay Gerardo,—aniya sa sarili.—May kung ilán ng ataw ngayon na siya'y namamasdan kong napaka masungit at malupít sa mga kaawa-awang alila. Ngayón pa namang siya sana ay dapat pisanan ng malaking tuwa, dahil sa pagdodoktor ni Ruben, ay ngayon pa siya lalong nahahalatán ng malubhang kasamaan. Kahapon ay binaril niya at pinatay ang kabayo kong moro, dahil lamang sa siya'y nagtatarang sa malaking tuwa marahil. Kanginang umaga ay binayó ng martilyo sa ulo ang kaawa-awang Negro, iyong minamahal kong asong inalagaan sapol sa pagkatuta, dahil lamang sa siya'y dinilaan sa kamay at naglambing sa kaniya. Saka ngayon kung siya'y hindi ko dinatnan, ay hinatak sana

palô itong mga ahilâ, dahil lamang sa ipinag-sasayâ nilâ ang pagdating ngayong gabi ng aking anak na si Ruben... ..

At akó, akong nag-alaga sa kaniya sapol pa noong siya'y batang paslit, palibhasa'y ulila sa ama't sa ina, at dahil sa siya'y sariling anak noong nasirang kabutó kong kapatid na babayi, ay siya'y pinapag-aral ko sa Maynila, at pinapagtuloy ko pa sa América, hangang sa natapos nga niya ang karunungan "Ingeniero Agrónomo," at ngayo'y inilagay ko pa siyang tagapamahala (administrador) sa aking mga lupain, may sahod na isang daan piso sa isang buan, dito pa siya tunitira at kumakain, may automovil, carruage at matutuling kabayong ginagamit na parang tunay na kaniya, at ang pinaka bayad ng lahat ng itò ay dili iba kungdi ang matalim niyang sulyap sa akin at ang lapastangang sagot sa aking mga mairuging tanong....

¡Ah! Hindi mangyayaring lumawig ang ganitò.

Gerardo,—ang kaniyang tawag.

—Po,—ang sagot ni Gerardo buhat sa ibabâ, at dagling pumanhik at humarap sa kaniyang amain.

—Dinggin mo, —ang simulâ ng matandâ.—
—Hindi ko ibig na ikaw ay magkaroon ng kahit kaunting samâ ng loob, kahit munting ligalig, ngnni't kailangang lubos na kitang dalawa'y magkatalastasang maliwanag. May kung ilan ng araw ngayon na ikaw ay namasmasdan kong masungit. ¿May ikinamumuhî ka bagâ rito?

Ang tanong na ito ng matandâ ay kasabay ng isang makahulugang titig kay Gerardo, titig na anaki'y sundang na tumarak sa kaniyang kalulua. Ikinulubot nito ang pagitan ng kaniyang kilay, walang pinag ibhan sa asong umaangil, at sumagot ng ganito:

—¿Akó po? Malayo sa gunita ko ang gayón! Malaking lubhâ ang utang na loob ko sa inyo sapul pa noong ako'y sanggol.

—Gerardo, —ang pakli ng matandâ, —huwag kang magkailâ at magsabi ka ng buong katotohanan. Ikâw ay isang lalaking nag-aral, may saganang karunungan at sapat na gulang, sa pakikipamayan. Kung ikaw ay nairoong kinamumuhian dito, ay maaaring ikaw ay mamuhay na sarili, maging saan pa man ang iyong ibigin. Ipinagkakaloob ko sa iyo ang aking lupaín sa bayan

ng Z. Batid mong yao'y nagkakahalaga ng sampuon libong piso. Subalit huwag mong isipin, na ito'y nagiging parang kapalit ng pakikisama mo sa akin. Hindi gayón, sapagka't nagangasiwa ka man sa aking mga lupain, ay may malaki ka namang bayad na sinasahod, at labis pa marahil sa kaunti mong kapaguran. Ipinagkakaloob ko sa iyo ang lupain ko sa bayan ng Z., dahil lamang sa ikaw ay pamangkin ko, at walâ kang sukat maipamuhay sa sarili.

Si Gerardo ay parang tinampal sa mukhâ; parang nagpanting ang kaniyang mga taingâ. Ang kaniyang mapagmataas na damdamin ay nasaktang lubhâ sa malambot na himók ni kápitang Luis.

—¡Oh!—ang kaniyang buntong hiningâ.

—Huwag kang mahiya at magalanganin: tanggapin mo ang lupaing ipinagkakaloob ko sa iyo ng walang bayad. Ibinibigay sa iyo ng kapatid ng iyong inâ, kailangan lamang na ikaw ay tumupad muna sa isang mahigpit mong katungkulan, hinggil kay Quintina. Siya'y dapat mong pakasalan.

—¿Ako?

—¿Anó ang iyóng ikinagugulat? Hinimok mo ang kaniyang pag-ibig, at ngayo'y kasalukuyan kayóng nagsasama. Hindi ko maaring pahintulutan ang ganiyan mahalay na gawâ. Si Qintina ay maralita nga lamang, nguni't ang karalitaan ay hindi kapintasan sa isang tao kailan pa man. Sa ganang akin, ay darakilang lubhâ ang kayamanan ni Qintina, kayamanang walang katapusan, na dili ibá kundi ang talas ng kaniyang pag-iisip, puring dalisay, mahinhing bait, banal na damdamin at kasipagang hindi marunong mahapò sa lahat ng kapaguran. Madalang ang matutuklasan mong babaying gaya ni Qintina. Kung siya'y iyong pakasalán, ay asahan mong mapapanuto ang inyong buhay: malaking lubhâ ang maitutulong niya sa iyo sa lahat ng bagay. ¿Pakakasalan mo bagâ siya?

—Iisipin ko po muna,

Ang sagot na itó ni Gerardo ay parang isáng dulingas na hamon sa matandâ, kaya't ito'y biglang napaurong, tinitigan ang kaniyang pamangkin ng kakilakilabót na bangis, sakâ, nagsalitâ ng ganitó:

—¿Bakit?—aniya. —¿Hindi mo pa bagá inisip ang bagay na iyan hangga ngayon? Kung hindi mo ibig na ikaw ay mabilang sa hayop, ay kailangang lubos na pakasalan mo si Quintina. Si Quintina ay walang ibang kayamanan sa silong ng langit kungdi bukod tanging ang kaniyang puring wagás. Ang puri niyang iyan ay ginibâ mo.

¿At nag-aalaganin ka ngayong magtayô ng puring iyong ginibâ? ¡Gerardo! . . . Nagdaramdam ng hapdi ang aking kaluluwa, ngayong nakikita kong ikaw ay nagugumon sa kapaslangan. Ang isang lalaking dumaya sa isang babayi upang gawin lamang laruan ng kaniyang maruming pita, ay hindi tao, hayop na mistula, isang tunay na Satanâs. ¿Naringig mo? Isang diwâ ng lahat ng kasamaan.

—¡Oh!

—¡Sinabi ko na! Purnili ka sa dalawa: ó itayô mo ang iginibâ mong puri ni Quintina, ó ikaw ay manaog na walang baon dito sa bahay na umampón sa iyo sapul pagkabata, at ako'y huwag mo nang pakibalitaan kailan pa nuan. Hindi ko ibig na madungisan ang aking mga uban sa dumi ng kataksilan ng bugtong kong

pamangking kabilang ng aking mga anak, kataksilang kakilakilabot na lumalapastangan kay Qintina, isang kaawa-awang babaying walang nagawang kasalanan, liban lamang sa pag-ibig niya sa isang hayop na gaya mo.

Binigkás ni kápitang Luis ang kaniyang mga huling salitâ, madalang, maliwanag, malakàs, kalagim lagim, nanginginig ang kaniyang tingig at buong katawán, saká biglang tumalikod at umalis.

Siya'y hinabulan ni Gerardo ng isang matalim at panakáw na irap. Ang irap na iyon ay parang isang kidlat na nagbabalita ng malakas na unós na may bantang bumugsô sa matahimik at maligayang buhay ni kápitang Luis Gatsalian.





KABANATANG 11

Bagyo sa loob ng isang puso.

—o—

—¡Kalabáw na matandá!—ang marahang angil ni Gerardo.—Akò raw ay mananaog dito ng walang baon . . . ¡ Sakâ na makikita kung sino ang mananaog na walang baon!

Kailangang ipakilala si Gerardo sa mahal na bumabasa, palibhasa'y ang lalaking ito ay siyang pinaka-kalulua ng lahat na kakilakilabot na kapaslangang sinasalaysay nitong aklát.

Batid na nating si Gerardo'y anak ng bugtong na kapatib na babayi ni kapitang Luis, siya'y nag-aral sa Maynilà at sa America, at kaniyang natapos ang karunungan sa panghahalaman, kaya't siya'y tinatawag, na "Ingeniero Agrónomo."

Siya'y bagong-taong may tatlong puong taóng gulang, mahagway, malakas at may marikit na pangangatawan; may maaliwalas na noo, tandâ ng matalas niyang pag-iisip; malagô at nagkaka-abot ang kilay, tanda ng kaniyang mabangis na damdamin; makislap at matalim ang matá, tandâ ng kaniyang taksil na pusò, mapakal ang labi at malapad ang babà, tanda ng kaniyang matatag na kalooban sa gitna ng mga panganib. Sa lahát niyang mga pagkilos at pamanalitâ ay nahahalatâ ang masagwâng pagmamalaki at walang kabusugang sakim sa ari ng ibá.

Si Gerardo ay may kinakasi: isang marilag at marangál na binibini: si Qintinang binangit kangina ng kaniyang amain.

Gayón pa man, si Gerardo'y kulang lamang ay maulol ng pagsintâ sa isang dalagang nagngangalang Gloria, hindi dahil sa maluningning na kagandahan nitó, kungdi dahil sa mahigit sa sampuonng laksang pisong mana niyang sarili sa kaniyang ina. Subali't si Gloria, palibhasa'y kasintahang matalik ni Ruben, ay hindi lumington kaunti man sa mga pagsuyò at pamimintuhó ni

Gerardo, at dahil sa gayón, ang Gerardong itó ay nag akalang gumawâ ng kapaslangán, huwag di kamtan lamang ang minimithi niyang kayamanan.

Siya'y tumanaw sa pintong linabasan ng kaniyang amain, at ng makita niyang itó ay umalis na, ay itinangô • ngô ang ulo, sakâ nagsalitâ sa sarili ng ganitò;

--Aug Matusalem na itó, kung kailán tuma-tandâ, ay lalo pang nababaliw. Ako'y kaniyang inalagaan sapol pa noong ako'y batang baslit nguni't hindi niya nabanaagan, na sa loob ng aking katawan ay may kaluluang halimaw na sisila sa buò niyang pagkatao.

«At si Ruben si Ruben ay Doctor na ngayon, at sa madaling panahon ay makikipag-isang-pusò sa mayaman at marilag na Gloria . . .
¿Anóng karikit! ¿Sino ngâ kayâ ang magbihinalâ, na ang naturang nagkakasintahang Ruben at Gloria, ay nangabibingit ngayón sa malalim na bangin ng kapanganyayaan?

«Nahahandâ ng lahat ang gagawin. Magsisimulâ ngayong gabí ang aking darakilang palabas: kalagim-lagim ang lahat na mangyayari, nguni't

maluwalhati ang katapusan. Si Quintina ay mananaog sa libingan, si Ruben ay aakyat sa bitayán, si Ester at si kápitang Luis ay mangamamatay sa dalamhati, si Gloria ay magiging asawa ko, at sa huli ay ako'y magmamana ng dalawang kayamanan: ang kayamanan ni Gloria at ang kayamanan ni kápitang Luis.

«¡Magaling!

Siya'y anyong aalis, nguni't pagdating sa pin-tô ay biglang tumigil, tinampal na malakas ang kaniyang noo, sakâ marahan bumalik at naupo sa tabi ng hapag. Itinukod ang dalawang siko sa hapág na itó at sinaló ng dalawang kamáy ang kaniyang noo na kusang napapayukayok, dahil marahil sa mga mabibigat at malalaking balak sa kaniyang linalagnat na pâng-iisip.

—Datapuwa't.....—aniyang nagnilay —¡Maykall! Ang pusô ko'y tumututol sa kakilakilabot na kapaslangáng nagtataguyod sa akin sa landás ng sakím. Si Quintina ay sumusuyo sa akin, parang alipin kong tunay; ako'y minamahal ni Ester na parang tunay na kapatid; si tio Luis ay siyang pinagkautangan ko ng buhay,

karunungan at dangal na ipinakikipamayan ko ngayón; si Ruben, ang halos kapatid ko, ngayong kasalukuyang namumukadkad ang kaniyang kabataan, ngayong nakasampa na siya sa tugatog ng pinagkapuyatan niyang karunungan, ngayóng umáalingawngaw ang kaniyang pangalan upang siya'y ihalál na Gobernador dito sa lalawigan, ngayóng malapit na niyang kamtán si Gloriang minithí niya gabi't araw, ay ngayón ko, pa siya itutulak sa isáng bibitayán, kahit walang munting kasalanan, nguni't parang tunay na namilit ng babayi at nakamatay.

«!Ah! Hindi mangyayari! Si Satanás pa man ay mangangatal sa laki nitong kapaslangáng balak,.....;Hindi ngá mangyayari!

Lumitaw sa pintô ang isang lalaking pandak, nguni't masaksak ang katawán. Ang lalaking itó ay siyang pinuno ng mga tulisang namumugad sa bundok ng Irig. Siya'y may isang kalapating dalá.

—Magandang gabi po, senyor,—aniya.

—Dimas,—ang sagot ni Gerardo.

—Ang mga tao ko, senyor, ay náhahandâ ng lahat: silá'y naghibintay ngayón ng inyong

mga utos

Maykapal—ani Gerardo sa sarili.—{Ano kayâ bagâ ang gagawin ko?

—Pinili ko po, senyor, ang lalong may malalakas na loob, at silâ kong ipinagsama dito. Sinabi ko sa kanilâ na silâ'y inyong kailangan at ibinigay ko sa bawa't isâ ang salaping ipinabibigay ninyó. Sinabi nilâ sa akin na kung kayó raw po ang mag-utos, ay maging si Satanas pa man ay kanilang agawin sa inferno.

—{Ano kayâ ang aking gagawin?—ang tanóng sa sarili ni Gerardo, samantalang namamalabis sa kaniyang noo ang malalaking patâk ng pawis na anak'y luhâ ng kabaitang naghinggalô ngayóng sa kaniyang nagbabagang utak.

«{Akó kayâ.—ang patuloy niya sa sarili,—ay sumisid na sa nais kong kâtaksilan? Hindi, hindi mangyayari. Tunay at ako'y may katutuhong paslang na hilig, datapuwa't ako'y may pusong tumututol sa kasamaan niaring layon. Ako'y isinusumbong ng pusong itó sa harapán ng Maykapál at sa harapán ng sang katauhan. Hindi; hindi mangyayari. Ang karangalan ay dapatpumaibabaw sa lahat ng bagay; ang ka

rangalan ay dapat lumabag sa lalong masidhing udyok ng sakim.

Itinaas ang kaniyang napayukayo'k na ulo.

—Dimas, — aniya, —utusan mo ng umuwi ang iyong mga tao.

¿Hindi na po bagá ninyò silá kailangan?

—Hindi na.

—¿Walâ na po bagá kayong ipag-uutos?

—Walâ.

—Paalam na pô.

Niyukô ni Dimas ang kaniyang ulo, saka umalis.

—¿Anó ang kaululang ginawá ko, —ani Gerardo sa sarili. —¿Pababayaán ko na bagá't sukat ang aking mga balak, ngayon pa namáng na kahanda ng lahat ang gagawin? ¿At papaano ang mithi kong kayamanan? ¿At sa loob nitong bahay na aking linakhan, ay makakaya ko kayang-tanawin sa kandugan ni Ruben si Gloriano ang ikina-sira ng aking pag-iisip?; Ah! Hindi ko pa hihintulutan!

Siya'y humabol sa pintong linabasan ni Dimas.

—Dimas, —ang kaniyang tawag. —¿Walâ na

siya!

Siya'y mabilis na nanatungo sa mga linib na harap sa lansangan sakâ dumungaw at anyong tatawag ng malakás, nguni't biglang umurong at nangatal ang kaniyang buong katawán. Ang sigaw na "Dimas" ay sumagabal sa kaniyang lalamunan.

—Kakilakilabot, —aniya sa sarili.—¿Akó na rin bagá ang papatay sa mga taong pinagkautagan ko ng buhay, dangal at karunungan? ¿Sasangafin ko kayang isá isá itong mga kapatid ko,t magulang, tanging buhay ng aking pagkaulila, kapilas na tunay ng kalulua kong... ¡Hindi!

Siya'y napaupóng hindi sinadyâ sa isang lik muang malapit sa kaniya, sakâ nagnilay.

—Nguni't,—aniya,—ako'y sinusunog at tinutupok ng mabangis na panibughô. ¡Para kong nakikita si Gloriang malanbing na humahalik sa mga labi ng aking mapalad na kabasangal (rival) at... Oo: sulong ang kapaslangan.

Siya'y biglang tumindig at dumungaw sa linib.

—¡Dimas!,—ang kaniyang malakás na tawag.

—Ikaw ay bumalik narito na siya.

Si Gerardo ay muling napaupô sa likmuang pinanggalingan.

—¡Kataksilan! ¡Pagpatay sa kapuwa tao!,—
aniyan nagsisisi,—at sa kabila nitó ay isang walang katapusan libak sa kaawaawang Ruben, sa wagas na dangal ng aking angkan

Siya'y tumindig na sumusuray.

—¡At si inal, aniya Ang pinakamamahal kong. inang nagmamasid sa akin bubat sa langit, nagmamasid sa kaniyang bugtong na anak na dumudungis sa kaniyang kagalang-galang na libingan, nagmamasid sa aking kabuto niyang anak na papatáy kay kapitang Luis na kapatid niyang umampon sa aming mag-iná....

¡Oh, inang ina ko!

Siya'y napaluhod ng dalawang paa sa sahig, itinaas ang dalawang kamay. sakâ tumingalâ.

—¡Hindil,—aniya.—¡Hind! mangyayari! Hindi mangyayaring patayin ko sa dalamhati ang iyong giliw na kapatid, ina ko. Ibig ko pang akóy magkadurog-durog na magdaganan nitong mapagampong bubungang sinilugan ko hangga ngayong. bago ko tanggapin ang madiing sum-

pang bibitawan mong ukol sa akin buhat diyan sa maluwalhating sinapupunan ng Maykapal. . . .

Si Dimas ay bigláng dumating.

Senyor,--aniya.

Si Gerardo ay tumindig sa pagkaluhod.

--Dimas,—ang kaniyang nanggingiming sagot.

--Yumaon ka na.

--Akó po'y tinawag ninyo: ganó po Senyor, ang inyong ipaguutos?

--Walâ: yumaon ka na.

Si Dimas ay umalis.

Si Gerardo ay muling napaupô sa isang likmuan, at nagnilay-nilay. tutop ang kaniyang kumakabáng dibdib.

Bumabagyo sa loob ng kaniyang pusô: ang kasamaan ng hayop at ang kabutihan ng tao ay naglalabanang mahigpit sa kaniyang damdamin. Ang isang taong may katutubong hilig sa kapaslangán, gaya na ngâ ni Gerardo, ngayon anyong simulán ang unang hakbang sa paglusong sa labak ng mga pagtataksil, ay sapilitang paglalahuan ng malakás na pag-aalanganin. Datapuwa't mamayang madiit ang kaniyang paa sa karumaldumal na burak ay magpapakabalahô

ng hanggang tuhod, ilulublob na ang buong katawan, hanggang liig, at hindi tutugot hanggang hindi lumubog sampo pa ng ulo, hanggang hindi nalulunod na lubos sa kailaliman.

Walang pinág-ibhan sa gayón ang nangyayari kay Gerardo.

¿At papaano ngayon?—aniyang tumatanong sa sarili.—¿Papaano akong mamumuhay? ¿Hindi bagá sinabi ngayon lamang ng aking amain, na ako'y mananaog dito ng walang baon?.....Akó, akong lumaki sa malambot na hihigáng sutlâ, sa maligayang lilim nitong maluningning na dulà, akong gumala galà sa maraming bayan, sakay sa mariringal na karruage at automobil; akóng umakyat at namayani sa lalong matataas na baitang ng pakikipamayan; akong hari-harian at poon sa lahat ng malalawak na lupang pinang. hahalamanan ko, ay bigla akó ngayong lalagpak sa karalitaan, marumi at wasak ang damit na magpapalimos ng isang subong kaning maipagpawing gutom, lagalág, walang kaibigan, walang kamaganak, walang angkan samantalang si Gloria at si Ruben ay nangasa tugatog ng dangal at masagwang kayamanan, at akoy pag-

mámasdan niláng gagapang-gapang na parang karimarimarim na uod sa bangin ng kahirapan. . . .
¡Oh! ¡Hiindi mangyayari! Ang kapaslangán muna, bago ang pagsukó: sinimulan ko na ang paglusong sa pagtataksil, kayá't kailangang ako'y sumisid hanggang sa kailaliman.

Siya'y tumakbong lumapit sa linib.

—¡Dimas!,—ang kaniyang malakas na tawag.

—Ako'y hintin mo.

—¡Mabuhay ang kapaslangan!,—ang huli niyang salita, saká nanaog na mabilis.





KABANATANG III

Simula ng kapaslangan

—o—

Hinabol ni Gerardo si Dimas sa lansangan.

—Dimas,—aniya,—sumunod ka sa akin.

—Opó, senyor,—ang sagot ni Dimas.

Sila'y matuling lumakad na tila waring hina-
habol.

Sa anyô ni Gerardo ay nalilimbag ang bangis
ni Neron; sa anyô ni Dimás ay malilimbag na-
man ang samâ ng alipin.

Sila'y nagtuloy sa isang bahay na tabláng
may katatagang laki at taas. Ito ay siyang
bahay ni Quintinang kasi ni Gerardo.

Si Gerardo ay hindi tumitira sa nasabing ba-
hay, at palibhasa'y bihibihira siyang pumaroon,
kaya't si Quintina'y halos maulol sa malaking

tuá, sa tuwing siya'y palarang dalawin ng kaniyang kasi.

Pagtugtog ni Gerardo sa pintuang harap sa-lansangan, sa tapat ng hagdanan, si Quintina ay dumungaw sa linib.

—¡Sinor!,—ang kaniyang tanong.

—Akó,—ang sagot ni Gerardo.

—¡Gerardo! ¡Gerardu kol!,—ani Quintina, sa bay takbó at mabilis na nanaog sa hagdanan.

Sa pagmamadalí ng kaawa-awang babayi, ay dumaplis ang kaniyang paa sa unang baitang sa itaas ng hagdanan, kayá'y siya'y nahulog bang-gang sa ibaba. Pumutok ang kaniyang noo pag-lagpak sa lupá, nguni't gayon pa man ay hindi inalintâ na: siya'y maliksing tumindig, at sa mantalang binubuksan ang nakapinid at may si-mang pintô, ay inu-ulit-ulit ang malambing na tawag na «Gerardo. Gerardu ko».

Pagkabukás ng pintô, ay pagdaka'y niyakap sa liig si Gerardong kaniyang kasi, at anyong hahagkan sa mga labi; datapwat ang walang pa-lad na halik na iyón ay tumunóg na malakas sa hangin. Yoong malambing na halik ay hindi umabot sa mga labi ni Gerardo, sapagka't

biglang itinulak nitó ng ubos lakas ang kawa-awang babayi.

—¡Tabi!,—ang malupit niyang bulas.

Si Quintina ay napatapon sa ilalim ng hagdanan.

Siya'y hindi man lamang liningon ni Gerardo, at nagtuloy na pumanhik, kasunod si Dimas.

Sa pagkabulaḡtâ ni Quintina sa ilalim ng hagdanan, ay siya'y bumagon, naupong paningkyad sa lupá, tinakpan ug dalawang kamay ang mukha, sakâ lihim na tumangis. Ang kaniyang malaking tuâ pagkakita kay Gerardo, ay biglang napalitan ng mapait na hinagpis.

Si Gerardo at si Dimas ay pumasok sa kabahayan, sila'y naupong magkaharap, sakâ nag-usap ng marahan, halos anasan.

—¡Nahan ang mga kasama mo?,—ang tanong ni Gerardo.

—Nangarian po sila sa dulong nayon,—ang sagot ni Dimas.

—¡Ilan silá?

—Anim po, pati akoi

—¡Malalakas ba ang loob?

—Mga sana'y pong pumatay ng kapuwa tao.

—¡Sino.sino?

—Si Tiktik pô, si Kidlat, si Buhawi, si Kulog at si Bagyó.

—¿Bakit at hindi ninyó kasama si Pugot?

—Siya po'y sugatan at siya'y tinamaan ng punglô ng pulis sa Nagkarlang, noong linggong nagdaang hinarang namin ang mga mangangalakal doon.

—¿At si Simarón, ay bakit naiwan?

—Siya po'y iniwan kong lumalapa nang kalabaw

—¿Iláng kabayo ang inyong dalá?

—Anim pong ganap: kaní ay tigi-tigisa.

—¿Iniwan bagá ninyô sa ibayo ang dalawá?

—Opó, alinsunod sa inyong utos.

—¿Nangasa Dulong Nayon ang iba?

—Opó, alinsunód ding sa inyong utos.

—¿Makakaya kayâ ninyong gawin ang ipag-utos ko ngayon, kahit kayó ay anim kataó?

—Kami pong anim, kung kayô ang may utos, ay kakayahin naming sapilitan ang lahat ng tao rito.

—Huwag kang umasa sa gayón, Dimas: di-tó'y marami ang nagmamabuting lalaki.

—Ang mga ganiyan nga po ay siya kong

ninanaís na makatagpô.

—Makikita ko ngayón ang inyong galing. Mayang ikasiam ng gabi ay darating si Ruben na pinsan ko, at dahil dito ay may malaking piging sa aming bahay, at doo'y dadaló ang lahat na mga kaibigan namin. Isa sa manga magsisidaló ay si Gloria.

«Si Gloria ay isang binibining minimithi ko, at siya'y maluwat ko nang kasintahang mahigpit. Gayón paman, si aling Mercedes na kaniyang iná ay hindi akó ang nahihirang, kungdi si Ruben na pinsan ko. Dahil dito, ay pinagkasunduan namin ni Gloria ang kami ay tumaanan ngayong gabi. Lamang, ang ibig niyang mangyari, ay huwag lumitaw na taanan, kungdi parang siya'y inagaw kunuwari, upang huwag wikain ng kaniyang iná, na siya'y talagang nagtaanan, bukod sa hindi paghihinalaan akó sa pamamagitan ng gayong paraan.

—Sa makatwid po pala naman ay kapa-hintulutan ng babayi ang pag-agaw sa kaniya?

—Papaano'y siya'y kasintahan kong talagá! Siya kaya'y maaagaw ninyó ngayong gabi?

—Asahan po ninyó.

—Datapuwat kailangang lubos na si Ruben ay mauna munang agawin.

—¿Bakit po?

—Kung hindi natin maunang agawin si Ruben, ay di malayong siya'y inyong mapa-tay, ¿hindi ba?

—Talaga pô.

—Ngayón: kung siya'y palarin at hindi matay, ay pakaasahan ninyong kayó ang kaniyang papatayin, at sakali mang may mga ilang lumigtas sa inyó, palibhasa'y siya'y kaibigang matalik ng punò ng Costabulario, ay kayo'y pag-uusigin ng mga itó kahit saan pa man kayó magsiksik, at sila'y hindi tutugót hanggang hindi kayó malipol na lahat, hanggang hindi matuklasan at mabawi si Gloriang mithi ng lahat niyang layuning.

«Subali't kung mauna nating agawin si Ruben, ay waláng tutugis sa inyo hanggang sa bundok, at walâ kayong makakalabang mahig-pit, liban lamang sa mga magsisihabol sa inyó, sa aras ng sakunâ: ang habol na iyon ay hindi dapat katakutan, sapagka't pakitang-tao lamang,

pabalat-bunga, tunay na ningas-kugon, sisiklab sandali at sukat na. Si tio Luis ko ay hindi maaaring humabol, sapagka't siya'y matandâ nang gumugupò; si Ester ay lalo ng hindi maaaring humabol, sapagka't siya'y babayi at dalaga pa; si matandang Mercedes ay kabilâ pa ng hindi maaari, sapagka't siya'y mahiná na at hindi makatatakbo.

—Tunay nga po ang sabi ninyô, senyor.—ang sagot ni Dimas—Kailangang mauna munang agawin si Ruben.

—Ganitô ang inyong gagawin,—ang patuloy ni Gerardo.—Kayo'y maghandâ ng isang bangkâ at

Biglang tumigil si Gerardo sa pagsasalitâ, sapagka't si Quintina ay nasok at nagtuloy sa sa silid. Dabil dito, at sapagka't talagang ipinaglilihin ni Gerardo kay Quintina ang pangalan ni Gloria, na isâ sa mga pangalang kaniyang tuturan, ay inianas na lamang sa tainga ni Dimas ang kaniyang mga ipinagbibiling biglang naputol, sakâ nagsalitâ ng ganitô.

—Natatandaan mo na ba ngayón ang lahat kong mga bilín?

Opò, natatandaan ko ng lahat.

Dinukot ni Gerardo sa kaniyang munting kalupi, at dito'y kumuha ng isang "tarheta" sakâ binigay kay Dimas.

Binasa nitó ang "tarheta,,

—?Bakâ po kayó nagkamali, senyor, aniya.

—?Bakit,?—ang tanong ni Gerardo.

—Hindi po Gerardo Mata, kundi Benardo Sanchez ang pangalang natititik sa "tarhetang bigay ninyó.

—Iyan nga at hindi akó nagkamali: si Don Bernardo Sanchez ay kaibigang matalik ni Rubén. Kapag nakita nitó ang "tarhetang" iyan, ay di sasalang hindi siya mananaog.

—Siya nga po palá, siya nga pô.

Si Quintina ay lumabas sa silid, masaya ang mukhâ at marikit ang bihis.

Ang babaying umiibig na taimtim na gaya ni Quintina ay talagáng gayón: isang hiwagang hindi mahulilip. Kung hinggil sa kaniyang kasi, ay may pusong hindi maaring dalawin ng galit, may kaluluang hindi maaring lamnan ng paghihiganti; isang munting langit na nahulog sa lupa, walang munting bahid, walang ibang laman

kungdi pawang lugod, pagibig na walang kata-pusan.

Dahil sa gayón, ang bangis ng buhong na si Gerardo ay napalaban sa malambing na pagmamahal ni Quintina; kaya't bagá man kasalukuyang humahapdi ang putok ng kaniyang noo, bagá ma't masakit pa ang kaniyang katawán sa pagkapatapon sa ilalim ng hagdanan, bagá ma't isinisigaw ng kaniyang damdamin ang mahigpit na tutol noong kaniyang napahiyang halik na tumunog sa hangin, ay siya pa rin ang lumapit kay Gerardo, taglay sa mga labi ang isang napakalambing na ngiti.

—¿Nagagalit ka pa ba sa akin?—ang kaniyang malugod na tanong.

—Huwag mo kaming linlagin,—ang mabagsik na tugon ni Gerardo.—Kung hindi mo ibig na ikaw ay masaktan, ay mabuti pang kami ay iwan mo.

Ang kahabag-habag na babayi ay lumabas, kulang lamang ay di mawasak ang dibdib sa malaking hapis.

—¿Anó ang dalá ninyóng mga sandata?—ang tanong ni Gerardo kay Dimas.

—Mga sundang po lamang.

—Hindi maaari ang mga sundang.

—Laló na pong hindi maaari ang aming mga baril na “Remington,” sa pagka’t makikita sa anim sa daan.

Hindi kailangan ang “Remington,” sapagka’t ako’y may nahahandang anim na revolver dito parang inilaan sa inyo, sapagka’t kayó naman ay anim din.

—Lalong mabuti po.

—¡Quintina!,—ang tawag ni Gerardo.

—Gerardo, nalian naakó.

Lumapit na nakangiti si Quintina kay Gerardo.

—¿Anò yaon, ha?

—¿Nahan ang mga revolver?

—¿Anong revolver.

—Ang mga revolver, ¿walá ka bang tainga?

Ilabas mo rito ang mga revolver.

—¿Meron bang revolver dito sa bahay?

—¡Anóng pagkahangal na babayi nitó! Ilabas mo iyong munting baul na dala ko dito noong isang gabi: madali.

Kinuha ni Quintina sa loob ng silid ang isang

munting baul, sakâ inilapit kay Gerardo.

—Buksan mo,—ang utos nitô.

—Walâ sa akin ang susi niyan,—ang malam hot na sagot ni Quintina.

—Ah, na sa akin nga palâ,—ang amin ni Gerardo.

Siniyasat ang kaniyang niga bulsa.

—Naiwan ko sa bahay,—ang kaniyang dug tong,—nguni't di kailangan: kumuha ka ng itak.

Si Quintina ay tumupad.

Binalungkit ni Gerardo ang takip ng baul, nabali ang sinâ at nabuksan.

—¿At itô?,—ang sumbat niya kay Quintina-sabay turo sa laman ng baul.—¿Hindi, бага mga revolver itô.

—Hindi ko nalalamang revolver palâ ang laman ng baul na iyan.

—¿Hindi mo nalalaman? Dapat mong alamin; dapat kang manghula: talagang ang ulo mo ay ulong lamok.

Sakâ kinuha sa loob ng baul ang anim na revolver na pawang bagó, at makikinang.

Ang mga revolver na yaon ay binili ni Gerardo ng tatlong daang piso sa isang capitan

«Si Gloria ay dalhin mo sa inyong bahay, at si Ruben namán ay sa kabilang bundok. Pagpasok na ninyo sa gubat ay takpan na ninyò ang kanilang mga matá, upang huwag makita ang landas na dadaanan, hanggang sa kayo'y na karating sa talagang dapat kalagyan ng isát-isá, saká pa lamang ninyó alisan silá ng takip sa mata.

«Upang si Ruben ay huwag makatakas, ay lagyan mo ng "esposas" sa dalawang kamay, gaya ng paglalagay ko sa iyo kangina, at isaklang mo ang dalawang paa sa puno ng isang kahoy, at sa kabilâ nitó ay lagyan mo ng "grillete."

—E talo pa po ang napangaw,—ang papuri ni Dimas.

—Samaantalang inaagaw ninyó silá Ruben at Gloria, ang patuloy ni Gerardo,—ay ako'y makikihalobilo sa kanila sa bahay, at akoy hindi mananaog, upang huwag maghinalá sa akin.

—Gayón nga po.

—Ngayon ay dalhin mo itong baul, at gamitin ninyò ang mga lámang revolver.

Dinukot sa lukbutan ang kaniyang munting

kalupi, at kumuha sa loob nitò ng pitong salaping papel na pawang tigdadalawang puong piso bawa't isa, sakâ ibinigay na lahat kay Dimas.

—Bigyan mo,—aniya,—ng tigi-tigisa ang iyong mga kasama, at ang dalawâ ay iyong sarili.

—Salamat po.

Si Dimas ay kumuha sa lukbutan ng isang lapis at isang munting pilas ng papel, saka sumulat ng ganito:

*JUANA. WALANG LIGALIG. AKO'Y DARATING DIAN
BUKAS NG UAMAGA.*

DIMAS

Binalot niya ng sulat ang dalawang salaping papel na ukol sa kaniya, tinuping maliit, bini-libiran ng leteng, itinali sa paa ng dalang kalapati, sakâ pinawalang sa linib.

—Bakit mo pinawalán ang kalapati?,—ang nagtatakang tanong ni Gerardo.

—Ipinadalá ko po kay Juana ang biga'y ninyong salapi.

—Sino ang magdadalá?

—Ang kalapati ku po.

Iyan ba ang tinatawag na "paloma-mensagera"?

—Iyan nga po.

--¿At saan ka kumuha ng ganiyang angkan ng kalapati?

—Iyan po ay dadalawá: isang babayi at isang lalaki, bigay na ala-ala sa akin ng isang pamunuang japón na natagpuan ko sa gubat at napa-sama sa akin sa mga bundok ng Aparri, hanggang Kagayan at Isabela, at kinunan niya ng larawan, sa pamamagitan ng isang marikit na “makina” ang lahat na baybaying aming dinanaan.

—¿At papaanong madadala ng kalapati sa iyong bahay ang taglay na salapi?

—Ang kalapati pong iyan ay kakaibá. May matalas na mata kahit sa dilim, hanggang sa malayo, may malakas na pakpak na mahigit pa kay sa lawin, at mabilis pang lumipad kay sa limbás. Ang kalapati pong iyan, kahit saan pa man ninyo dalhin, sakâ ninyó pawalan, ay lilipad pagdaka ng mataas, at tatanawin kung saang dako naroon ang bundok naming tirahan, at pagdaka'y sasalibad na kasing bilis ng punglô, at hindi dadapo saan pa man, hanggang di makarating sa aming bahay, at pagdaka'y dadapo sa harapán ni Juana.

—[Kay buting hayop!

Mabuti pa pong di hamak kay sa masasamang tao, ang kalapati ko po ay hindi marunong magtaksil, at ako'y makalawa na nilang iligtas sa kamatayan.

Si Gerardo ay tumindig.

Si Quintina ay pumasok na nakangiti at lumapit sa kaniyang kasi.

—[Hindi mo ba akó sasaluhan ngayon sa hapunan?—ang kaniyang malambing na tanong.—Ikaw ay ipinaglutò ko ng anim na pugong kay tatabâ.

—[Huwag mo akong linlangin, Quintina,—ang bulas ni Gerardo —Ako'y lisan mo.

At silang dalawá ni Dimas ay nanaog.

Sila'y inihatid ni Quintina hanggang sa pintuan sa lansangan. Ng ang dalawa'y na sa labas na, at samantalang ipinipinid ng kaawa-awang babayi ang pinto, ang luha niyang matipid ay namamalisbis sa kaniyang mapupulang pisngi.





KABANATANG IV

Namitak ang pag-ibig

Samantalang nangyayari ang mga bagay na nakita natin sa katatapos na Kabanata, si Ester namán, yaong Ester na nabanggit sa Kabanatang I, kapatid na bungsô ni Ruben, bugtong na binibining anak ni kapitan Luis, ay sumusulat na mag-isá sa kaniyang silid.

Sino pa mang nakamasid sa kaniya sa mga sandaling iyón, ay makapagwiwika marahil na siya'y isang babaying haling, sapagka't kung minsa'y nagsasalitâ at kung minsa'y tumatawa ng mag-isá.

Ngunit hindi si Ester ay hindi haling. Tala-gang siya'y may masayang ugali, maliksing pag-iisip at matamis na pananalitâ. Dahil sa

gayon ay siya'y tinagurian ng "Mandolina" sa "Cantro Escolar" na kung saan siya nag-aral, sapagka't ang buong katotohanan ay si Ester anak'y "mandolinang" tunay: may marikit na anyo, mataginting na kawad at malalambing na tugtugin.

Si Ester ay hindi lubhang kagandahang; da tapuwa't ang katutubó niyang kulot na buhok, matang nakangiti, ilong na palabirô lalo't ikinukulubot sa panunuksò, munting bibig na lalong lumiliit kung magtampó at magmaktol, marikit na gawing panimihis, balingkinitang katawan malugod na pagkilos at ang kaniyang lalabing siam na taóng gulang na siksik ng dunong at kabaitan, ay pawang nagbibigay sa kanya ng di mahulilip na panghalinang dapat kainggitan ng bulaklak na "alejandriang" bagong namumukadkad.

Natapos ang ginagawâ niyang sulat. Linupi at ilinulan sa isang "sobre," sakâ dinaláng lumabas sa kabahayan

—¿Anó kayâ,—aniya,—ang sasabihin ni Oscar, kapag kaniyang nabasa itong aking sulat? Ngayon ko masusubukan iyang bantog na

Abogado.

Ang Oscar na kaniyang binauggit ay isang bagong taong basal, makisig at pantas. Si Oscar ay kaibigang matalik ng magkapatid ni Ruben at Ester, at siya'y kinalaro-laro sapul pagkabatà.

Isáng taón ng natapos ang kaniyang pag-aaral sa pag-aabogado.

—Siya'y sapilitang tututol sa sinasabi nitong aking sulat,—ang kaniyang idinugtong;—nguni't akó namán ay lalaban, at makita ko lamang kung

Si Oscar ay biglang lumitaw sa pintò.

Pagdaka'y itinago ni Ester sa tapat ng dib-dib ang hawak na sulat.

—¿Ester?, —ang bati ni Oscar.

—¡Abaaaaa!—ang birong sagot ni Ester.—
¡Mabuhay ang bagong Abogado! ¡Mabuhay ang magiting na pantas! ¡Mabuhay ang masiglang makabayan! ¡Mabuhay ang bantog na Júpiter! ¡Mabuhay ang darakilang Oscar Dimatinag!

Saká tumawa.

—Halina't magtuloy,—ang kaniyang malugod na dugtong.

Si Oscar ay pumasok.

—Ester, —ang malumbay na simula, —talagá bagáng nasarap na sa loob mo ang gantuhan mo ng biró ang lahat kong

—¡Abá, choyl, ang pakli ni Ester.—¡Napa-ka-maktul mu naman ngayón ah! Wala kang pinag-ibhán sa isáng arzobispong nagpuyát mag-damag, nagkulasión, at sa umaga'y nagkanta pa ng "duminus vobiscum."

Saká ikinubut ang kaniyang manunuksong ilóng.

—Ester, ¿anót ako'y limlibak mo?

—¿Akó?

—Hindi mo man lamang pinarapatan ng kahit usang talatang sagot ang na sa iyo'y aking ipinadalá.

—Sinagot ko na eh.

—Hindi pa.

—Oo.

—Hindi

—Oo sabi eh. ¡Ke ulet!

Dinukot ang sulat sa loob ng baró sa tapat ng dibdib.

—¡Heto, oh! ¿Anò itó? ¿Hindi ba sagot itó?

—¡Ah!

—Kundagan ka lamang eh On, basahin mo na.

Tinanggap ni Oscar ang sulat at samantalang kaniyang binabasa, si Ester ay nagsasalita ng ganito.

—Hindi ko ipinadala sa koreo ang sulat na iyan, sapagka't nalalaman kong ikaw ay darating ngayong gabi dito sa bahay; upang tayo'y magkasalo-salo ng mga kakâ ko at ibâ pang mga kaibigan. Ibig kong akong sarili ang mag-abot ng aking sulat sa iyong mga mahal na kamay Datapwa't

Pinagmasdan si Oscar buhat sa ulo hanggang paa.

—¡Nakuuuú, choy! ¡Anong pagkaganda ng ti kas mo ngayon! parokang (zapatos) na nagaalabamer, kana't pantalong hukom korbatang kahulihulihang "moda," buhok na hinati at sinuklay na anaki ay ¡Abaaa! ¡At ang palawit ng tali-kalang gintô ng kaniyang "relos." Poong may kapal, ay nagluluningna na walang pinagibhan sa tala ng madaling araw ¡At ang singsin sa kalingkingan tila waring tunay na munting araw na nagniniga, bakâ ¡Oy,

Oscar, pinag-ubus mo ngayong gabi ang labat ng pista sa buong isang taón ah!

At muling kinulubot ang kaniyang marikit na ilong.

—Walâ akóng natausan kaibit isang salitâ,—
ani Oscar, matapos basahin ang sulat ni Ester.

—Sa alin?,—ang tanong ni O.

—Sa sulat mo.

—Hindi naman salitang inglis eh.

—Hindi nga.

—Iyân ay taganas na wikang tagalog, at maliwanag ang salaysay. Datapuwa't . . . maupu ka muna, choy.

Si Oscar ay naupo.

—Napakaliwanag nga marahil ang salaysay,—
aniya,—kaya't nasilaw ang aking pag-iisip, at walâ akong nataosan kaunti man.

—At anó sa akin? Magtiis ka, lungsó, magtiis ka.

—Papaano kong matataosan ang iyong sulat, sa dito'y sinasabi mong walang pag-ibig sa buhay ng tao?

—At anó? Mayroon bagâ?

—Ayán ang hindi ko mataosan. Natatalastas

mong lubos na ang pag ibig ay umiral at naghari sa buhay ng tao, magbuhat pa man kay Adang kanunu-nunuan ng lahat ng lahi. Dahil sa di mapaglabanang kapangyarihang ng pag ibig, ay lumaganap ang mga tao sa sangsinukuban; at dahil din sa kapangyarihan ng nasabing pag-ibig ay lalaganap ang mga bayan sa lahat ng gubat at bundok, sa panahong sasapitin. Ang pag-ibig ay sibol ng langit na pumapatak sa mga puso: kung gaya ng wika mong walang pag-ibig, gay anó pa kayâ ang isisibol ng langit, ukol sa buhaya ng tao? Ikaw mang iyan, Ester, ay bunga ka lamang ng pag-ibig, ikaw ay bunga ng pinagbuhól na pag-ibig ng iyong mga maarugang magulang. Ang pag-ibig ay siyang binhi, at ang tao'y siyang bunga. Samantalang may bunga, ay hindi mawawalán ng binhi. Ang ibig kong sabihin ay: samantalang may tao, ay hindi mawawalán ng pag-ibig.

—¡Nakuuuuú!,—ang birò ni Ester.—¡Mabuhay ang nananaginip na "filosofiá" ng bantog na "poetang" palakâ!

—¡Ester!

—Tunay, Oscar, walâ kang pinag-ibhan sa palakâ; walâ kang lubay ng pag-kokak, tingalâ

sa langit, bago'y batid mong hindi mo aabutan ng talon ang langit na iyan.

—{Anó ang ibig mong sabihin?—ang manhá ni Oscar.

—{Sa akalà mo pala,—ang patuloy ni Ester,—ay kayâ dumadami ang tao, dahil lamang sa pag-ibig?

—{A! hindi nga ba?

—Sa makatuwid, alinsunod sa salita mo, ang mga kalabaw, ang mga aso, ang baboy, ang mga pusà at lahat ng hayop, mga ibon, mga isda, mga parú paró, mga kahoy, mga bató at lahat ng bagay sa buong linalang, ay nagsisidami rin namán dahil sa pag-ibig?

—{Oh!

—Dingin mo, Oscar: ako'y hindi nag-aral sa piling ni Aristóteles, datapuwart nalalaman kong lubos na ang tao ay hindi bunga ng pag-ibig, na gaya ng sinasabi mo. Ang tao ay bunga ng lamán, bunga ng katutubong gawi sa pagsu-pling, gawing laganap sa lahat ng bagay na may buhay, gaya ng halaman, ng hayop, ng tao at iba pa. Ang gawing sinabi ko, Oscar, ay hindi maaaring tawaging pag-ibig, sapagka't

ang hilig niya sa laman ay malaki kay sa hilig niya sa kaluluwa; sapagka't ang hilig niya sa kahalayan ay malaki kay sa hilig niya sa kabanalan; sapagka't ang hilig niya sa sadali malaki kay sa hilig niya sa walang hanggan. Ang sinabi kong gawî ay dili iba kungdi ang laman, ang kahalayan, ang sandali; at hindi maaaring tawaging pag-ibig, sapagka't ang pag-ibig ay dili iba kungdi ang kalulua, ang kabanalan, ang walang hanggan.

—¡Ester!

—¡Akala mo baga, Oscar, na kapag nagkasama na ang isang babayi at isang lalaki, ay nagkakasintahan na? Kapag nagkagayón, ang buhay dito sa silong ng langit ay hindi dapat tawagina “batis ng luha,” kungdi “Kaluwalhatianang mithi ng laha’t ng kabanalan. Kung tunay nga sana, na sukat ng magkasama ang isang babayi at isang lalaki, upang sila’y magsintahan, ay paka-aasahan mo, Oscar, na sila’y bibigkising matalik ng walang-hanggan pagmamahalan, pagmamahalang magbububô sa kanila sa iisan kalooban, upang huwag magká-galit at magkáhiwaláy habang buhay, magpahanggang

sa libingan

—¡Ester, nápakabigat ng biriw mong hatol

—Mabigat nga, ngunit matuli.

—Kung ikaw ang may sabi, ay oo; datapu wa't kung iba ay

—Labagin mo.

—Huwag: ako'y naparito, Ester, hindi upang tomutol, kungdi upang tumalina sa lahat mong sasabihin. Talo na ako: ako'y tinalo mo ng walang laban; ganó pa ang ibig mo? Ngunit, yayamang sinabi mong walang pag-ibig sa buhay ng tao, gay turan mo naman ngayon kung ano ang dapat maging pamagat nitong marubdob na nais na naglalagablab sa kaibuturan ng aking kalulua, nais na nagtataguyod sa aking buhay, upang lumuhod sa harapan mo, at dalanginin ka gabi't araw?

—Pamegatan mo ng "biro," kung di kaya'y "pangarap."

—¡Oh, hindi! ¡Hindi mangyayari! Ang biro ay ugát ug kasinungalingan at ang pangarap ay bungang tulog lamang. Ang nais na sinabi ko sa iyo ay ugát ng katotohanan at bunga ng matiyagang pagpupuyat, at ang katunayan ay ang

nais na itó ay nararamdaman kong tumitibok sa aking utak, nararamdaman kong sumisigaw sa aking pusò Huwag, Ester, huwag mong tawaging "birò" ó "pangarap" ang nais kong itó: para mo ng awà, at yayamang sinasabi mong walang pag-ibig, ay lapatan mo ng ibang pamagat.

—Pamagatán mo ng "kahalingán," "kaululán"

—¡Oh, Ester! ¡Lalò ng hindi! Ang kahalingán, ang kaululán, ay siyang pumapatay sa pag-iisip ng tao, upang gumawá ng waláng malay. Ang nais na sinabi ko sa iyo ay hindi maaaring tawaging "kahalingan" ó "Kaululan," sapagka't siyang bumubuhay at nagbibigay ng saganang sinag sa aking pag-iisip, at ako'y inaakay na mamintuhò sa iyo, upang ikaw ay suyuan ko habang buhay ¡Ester! ¡Ibang pamagát! ¡Para mo ng awál! ¡Bigyan mo ng ibang pamagát!

—¡Abál! ¡Nápaka-poeta mo ngayón, choy!

—¡Ester!

—Huwag kang mag-ulit, at baká

—¡Baká ano?

—Baká ikaw ay isumbong ko kay Ruben.

—¡Magsumbong ka! Akala mo palá'y hindi niya nalalaman?

—¿At nalalaman bagā niya?

—Oo ipinakita ko muna sa kaniya ang aking sulat, lago ko ipinadalā sa iyo.

—¿Tunay nga ba?

—Tunay.

—¿At anō ang wika niya?

—Ang wika niya, ay kung siya nga raw lamang sana ang masusunod, at siya ang pipili ng magiging kaisa-mong dibdib, ang kaniyang hihirangin ay dili ibá kungdi . . . kungdi . . . kungdi

—Kungdi ikaw, ¿anō?,—ang biglang sabat ni Ester,—¿Di ba gayon, choy?

Sakā ikinulubot ang kaniyang ilong.

Si Oscar ay napangiti.

—¿Nasarapan mo ah!,—ani Ester.

—¿At anō ang palagay mo?,—ang tanong ni Oscar.

—Ang palagay ko ay ikaw at sampu pa ng ka Ruben ko, ay dapat kayong ipasok sa Hospicio.

At mulig ikinulubot ang ilong

—¿Lunukin mo iyan!,—ang kaniyang marahang dagtong.

—¡Ester,—ang tugón ni Oscar,—Hindi mo nalalamang ako'y

—Sukat na: tapos na ang kanitang salitaan. Sinabi ko ng ako'y hindi naniniwalang may pag-ibig sa buhay na itó. Kailan pa man at ako'y makatúklas ng isang lalaki, na kung dahil sa akin ay sasagasain maging bibitayan paman ay ako'y naniniwalang may pag-ibig nga, at ang lalaking iyón, kahit sino pa man siya, ay paka-asahan mo, Oscar, na siya'y sisintahin ko habang buhay.

—¿Ipinangangako mo?

—Isinúsumpâ ko.

—¿Anó ang kutunayan?

—Heto: ang aking panyô.

—Ayaw akó niyan.

—Pati ng singsing ko.

—Ayaw ko rin niyan.

—¿At anó ang ibig mo?

—Isáng buhók.

—Hindi mangyayari: hindi akó papayag.

—Kung gayón, ay maipagpapálagay kong kabulaanan ang iyong sumpâ.

—Hindi

—Oo ngâ.

—¿At bakit pa ang isâ kong buhok ay siya mong nahiling na maging katunayan ng aking salitâ?

—Sapagka't sa akin, ang isâ mong buhók ay mahal pang di hamak kay sa lahat ng panyô at singsing na brillante sa sangsinukluban.

Si Ester ay nagmuni muni.

—Oo, payag akó, —aniya:—ikaw ay bibigyan ko ng isâng buhók, nguni't ikaw ang siyang bubunot dini sa dakong noó.

—!E di lalong mabute!

—Hintay muna: kailangang walang masalang na ibang buhók.

—¡Ke hirap naman yata niyan!

—Kung mahirap ay huwag. Tanging sa papag-gayóng paraan lamang ay mabibigyan kita ng isa kong buhok . ¿Anó? ¿Papayag ka?

—¿May sa di ba akó papayag? Akò'y

—Kung gayón ay maghintáy ka,

Si Ester ay tumindig at dagling nasok sa kaniyang silid.

—Hindi rin lamang siya makakukuha eh,—aniyang nagsasalitang sarili.—¡Saan ba siya

makabubunot ng isang buhok na di may masasaláng na ibá?

Siya'y kumuha ng isang salaming mukhá, muling lumabás sa kabahayán at naupô sa intwang likmuan.

--Siya, --aniya kay Oscar.—Bumunot ka na. Kapag may násalang na ibáng buhók, ay hindi ko ibibigay ang nabunot mo.

—Payag ako, nguni't ako'y muling bubunot.

—¡Abá! ¿At uubusin mo ba ang aking buhok? Kung ikaw ay bubunot sa tuwing may ibáng buho'k na másalang, ang dulo ay ako'y magiging si "lelang na panót." Hindi akó papayag.

—¿At paano?

—Sukat na ang minsan.

—At kung may ibang másalang.

—Kung may ibang másalang ay talagáng sasapantahain kong ikaw ay kulang ng pagtitiyagâ, kulang ng pagingat, at hindi dapat sa iyo ang magkaroon ng isá kong buhók.

—¡Ke hirap namán niyan!

—¡Nakita mo na! ¡Di ganiyan lamang ay nahihirapan ka na! At di ba lalong makaisang

laksang mahirap kay sa rian ang, dahil lamang sa akin, ay sumagasa at umakyat sa isang bibitayan? Mahirap daw! Ganiyan ba ang pag-ibig na sinasabi mo? Ang tunay na pag-ibig ay hindi marunong mahirapan.

—Napakatayog naman ng dunong mo! Ngayón ba't ako'y napatatalo ng walang laban, ay kakalampagin mo na namán ako ng

—Sa lumaban ka at hindi man, ay talagang talo ka. Papayag ka ò hindi?

—Payag ako.

—Minsan lamang, gha? Siya, bunot na.

Saká tinunghán ang salamin.

Si Oscar ay lumuhod sa harapan ni Ester, saká marahang hinawi yaong mga buhok na naglalaró sa kaniyang uo.

—Guguluhin mo pala namán ang aking "was-hington" ah!,—ang tutol ni Ester.—Siya na nga lamang.

—At papaano, sa pinipili ko ang aking bubunutin?

—Ang ibig mong sabihin, ay naghihiwalay ka ng isá, ganô? Magaling!

—Kungdanga'y kulot ang buhok mo,

nagkasaklit-saklit at

—Kung ayaw ka'y sukat, nguni't hindi akó papayag na ikaw ay maghiwaláy ng isa.

—Hindi akó naghihiwalay; punipili lamang akó ng mabubunot.

—Pumili ang matá, huwag ang kamáy.

—¡Abál ¡Napaka—"agrabiado" namân akó!

—Sa lagay palá, ay ikaw pa ang binibigyan ng buhok, at ikaw pa rin ang "agrabiado"? ¡Siya na nga lamang!

—O, hale, talo na naman ako.

—Bunot na ng isa.

—Yumuku ka ng kaunti.

—Ayan.

—Yuku pa.

—Ayan, oh.

—Kaunti pa.

—Hindi ko na makita ang salamin, ah!

—Huwag mo ng tingnang ang salamin at . . .

—Ah, ibig mong magdaya, ¿ha?

—Oh, siya sulong.

—Buno't ka na ng isa.

Dahan dahang hinawakan ni Oscar ang isang buhok na nahiwaláy sa dakong noo ni Ester.

—[Ester],—ang biglang tawag ng isang magandang binibining biglang nasok sa kabahayan yaon, at may kusunod pang mga sampuonng dalaga't bagong-taong kasama.

Pagkakita niya kay Oscar na nakaluhod sa harapan ni Ester, ay maliksing tumalikod, kunuwari'y di niya napansin, upang sila'y huwag mangapahiya, at siya'y biglang tumingalâ sa isang tapil na nagpaparangalan ng larawan ng dalawang inakay na kalapating naghihiniksikan. Hindi niya sinadyâ yaong biglang pagkasubok sa dalawa.

Sa biglang pagkagulat ni Ester at ni Oscar, ay sila'y dagling napatindig. Ang buhok na hawak ni Oscar ay nabunot at naiwan sa kaniyang mga daliri.





KABANATANG V

Ang tabil ní Gloria



Ang babaying pumasok na mabilis at naka-subok sa maligayang pagkaluhód ni Oscar sa harapan ni Ester na kaniyang binubunutan ng buhok ay dili iba kungdi si Gloria, bugtong na anak ng mayamang bantog na si Da. Mercedes Laksamana sa kaniyang nasirang asawang si D. Fernando Lakandula.

Si Gloria ay kaibigang matalik ni Ester, buhat pa sa kanilang pagkabatá. Dahil sa gayón ay sila'y sabáy na nasok at nag-aral sa "Centro Escolar," at sabáy din namang lumabás ng sila'y mangatutu na ng kailangan sa pamamahay at sa pamamayan, sapagka't silang dalawa'y hindi nga maaring magkahiwaláy.

Sa nasabing "Centro Escalar" silá'y pinamagatan ng «Eleili,» sa makatwid ay «I» at «i». Ang «I» ay si Gloria, sapagkát siya'y mahagway; ang «i» ay si Ester, sapagka't siya'y pandák.

Si Gloria ay pinamamagatang "reinang" pinaka-tampok ng lahat na lipunang kaniyang daluhan, una'y dahil nga sa siya'y talagang may kababalaghang gandang bihirang ipagkalob ng Maykapal sa taong linalang, at ikalawáy dahil sa kaniyang anyô, kilos at pangungusap na dapat kalugdan at kaalang alangnan.

Siya'y sumasakay na sa dalawang puo't dalawang puong taong gulang. Ba ingkitan, timbang na lahat ang pangangatawan at bagay sa kaniyang katatagang hagway.

Upang mapagwari ng mahal na bumabasa kung gaano ang kagandahan ni Gloria, ay sukat ng ulitin dito ang ibinalita ng isang matalinong makatang nakamasid sa kaniyang huling palilig sa ilog sa kaarawan ng San Juan.

"Namumula ang kulay, —anang naturang makata,—makinis ang balat, mahabà, makapal at maitim ang bubok, maliwayway ang noo,

malantik at masinsin ang pilikmata, mayabong ngunit makitid ang kilay, buháy at biluging ang matá, matangos ang ilóng, marikit ang bibig, bilóg ang baba, marikit ang hulog ng liig, malapad at mababa ang balikat, bilugin ang mga bisig, maliliit ang mga kamay, hubog kandilang daliring may baiwang sa mga kasu- kasuan, mumunti at mapupulang kukó, malantik ang likod, liad at buhay ang dibdib, malilit ang baywang, malaki ang balakang; malaman ang mga hitá, marikit ang hubog ng mga binti, mapulá ang sakong, maliliit ang paa at mala- lim ang talampakan."

Mataginting ang tingig, maliwanag magsalita at malambing makipanayám. Datapuwa't kagu- lat-gulat namán kung siya'y magalit.

Si Gloria ay uliran ng pagkamabini at kahin- hinan kung siya'y may kaharap na di dating kaulayaw. Subalit kung nagkakasarilinán sila nilá Ester at iba pang mga kapwa dalagang dating kabiruan, ay siya'y kasing tabil ng ibong "kanario"

Ngayong siya'y sasalubong kay Ruben na kaniyang kasintahan, at makikisalo sa hapunang

handog sa kanilang mga kaibigang magsisalu-
bong at magpaparangal sa bagong Doctor sa
panggagamot, ay nagpakabilis-bilis na anaki'y
makikipag-pascó

Nakaboutos ng rasong puti at bago, may
hebillang gintong tinampukan ng brillante sa bu-
bóng; medias na sutlang "calado," kulay bughaw,
damit na pangloob na pawang rasong halos
puti ngunit kulay murang rosas na namamanaag
at kumikislap sa kabilâ ng alampay; barò, saya,
at tapis na pawang pinyang rengeng habing.
Sebú at binurdahan sa Santa Ana sa Maynila
Ang damit na yaon ay binayaran ni aling
Mercedes na kaniyang ina ng halagang tatlong
daan at limang puong pisong ganap.

Ang kaniyang pusód ay nag aalab halos sa
pinaka buklod na dalawang suklay na binatba-
tán ng maraming batong brillante; ang kaniyang
gargantilya, alfiler at munting relo sa gintong
nakabitin sa kaniyang sukbitan, at gayon din
ang palawit ng mahaba at munting talikalang
gintong tali ng kaniyang marikit na paypay ay
pawang pinatakan din ng masinsing batong
brillante. Ang lalong maluningning na hiyas na

Gloria ay ang maraming singsing na brillanteng ipinagpaparangalan ng kaniyang maririkit na daliri sa magkabilang kamay, ang kaniyang mga hikaw na solitariong brillante ring kasinglalaki ng garbanso, at lalong-lalo pa ang kaniyang dalawáng galáng (pulseras) sa magkabilang kamay, na may tigdadalawang puo't limang brillanteng kasing lalaki ng munggó.

Ang damit at hiyas na suot ni Gloria noong gabing iyon, ay magkakahalagá ng mahigit sa walong libong piso. Sa bikas niyang iyón ay dapat nga siyang pamagatán ng "reina."

Pagpasok na ng kaniyang mga kasamahan sa kabahayang kinaroroonan nilá Ester at Oscar, ay siya'y dinatnan ng nakatingalâ sa larawan ng dalawang inakáy na kalapating naghihiniksan.

—{Anó at biglâ kang natigilan?,—ang may hiwatig na tanong ng kasunod niya sa likurán.

—Papaano'y biglang nakita ko rito sa kua-dro,—ang kaniyang sagot,—itong dalawáng inakáy na kalapati. ¡Anong karirikit na inakáy! ¡Anong sarap maglambingan! ¡silá'y naghihinik-sikan at nag-aanasan!

Nahalata ni Ester na siláng dalawà ni Oscar ang siyang tinutukoy ni Gloria.

—¡Gloria!—ang nagmamaka among tawag ni Ester.

—Masdan ninyo sila,—ang dugtong ni Gloria na parang di pansin si Ester, at tuloy ang pagmamasid niya sa larawan ng mga inakay na kalapati. Ang lalaki ay makisig at ang babayi ay maganda.

¡Mapalad na inakáy!

—Maglubay ka!,—ang samó ni Ester.

—Kahiyahi yaya,—ang bulong ni Oscar.

—Pagmasdan ninyó ang kanilang paglalambingan—ang patuloy ni Gloria, sabay turò sa mga inakáy.—Sa lagáy niláng itó gay anó nga kayâ ang lambing na diya-anas sa kanilang sabik na taingá.

—Naghalakhakan ng tawa ang kaniyang mga kasama.

—¡Gloria!,—ani Ester.—¡Labis na naman!—sakâ umiyak.

—¡Nabasag ang “mandolina” sa Centro Escolar.—anang mga kasamahan ni Gloria, kasabay ng maingay na halakhakan ng tawa.

—¿Bakit, bungsô!—ang malambing na tanong nitó kay Ester. ¿Inanó ka ba nilá?

—Ako—ang hibik ni Ester,—ay hindi nagbibirô sa iyo kailan pa man ng ganiyan kasakit.

—¿At bakit, sa ibinabalita ko lamang sa kanilá itong dalawang inakáy na kalapati.

—Oo nga, datapuwa't kami ni Oscar ang iyong tinutukoy.

—Nagkakamali ka, bungsô, Ang tinutukoy ko ay dili iba kungdi iyang dalawang inakay na kalapati.

Pagmasdan mò,t ayàn sila. ¿Anong sarap maghiniksikan!

—!Sumulung ka na namán!—ang tutol ni Ester.

—¿Ang babaying itó!—ang bulong ni Oscar.

—¿Di ba totoo?,—ang ulit ni Gloria.—¿Anaki'y silá'y naghahalikan! Nagbabaga ang kaniláng mapupulang tukâ sa lagablab ng kanilang pag-sisintahan.

Lumagapak ng tawa ang mga kasama.

—Ahl,—ang dabog ni Ester.—¿Akó'y galit na sa iyo!

At anyóng aalis, nguni't siya'y hinabol ni

Gloria sakâ niyakap na mahigpit.

—Halika, bungsô,—ang kaniyang malambing na himok.—Halika na dini sa tabí ng aking puso. Huwag ka na lamang magalit sa akin. ay hindi ko na babangitin kailan pa man ang mga buisit na kalapating inakáy na iyan. Kung saka-sakali ay babanggitin ko na lamang ang kanilang mga magulang, ang ibig kong sabihin ay iyong dalawang kalapating nalalarawan doon sa kabilang tabi. Ayon sila't pagmasdán mo. Anong sarap magmahalan!

—Kay ulit! —ang tampó ni Ester.

—¿Bakit?,—ang tanong ni Gloria.—¿Hindi mo rin ba ibig na mabanggit ang dalawang kalapating nalalarawan doon sa kabilang tapil?

—¿Maano namáng! ¿Gloria maawa ka na sa akin!

—¿Kay gagandang kalapatil,—ang patuloy nitó.

—¿Ah! ¿Bitiwan mo akól,—ang bulas ni Ester, sakâ biglang nagpakawala sa mga bisig ni Gloria at matuling lumakad, tungo sa labas.

Siya'y hinabol ni Gloria at muling niyakap.

—¿Bungsô,—ang kaniyang amó.—Huwag ka

na lamang magtampó, ay hindi ko na babanggitin kailan pa man ang mga inakay at ang mga kalapating na sa magkabilang dingding. Ang babanggitin ko na lamang ay ang kanilang mga nunó, ang ibig kong sabihin ay iyong dalawang bato-batong nalalarawan doon sa tapil na na sa dakong kaliwa ng pinto ng iyong silid.

Lumagapak ng tawa ang mga kasama.

—¡Maulit pa kay sa langawl,—ang sali ni Oscar.

—¡Kay bangis na babayil,—ang hibik ni Ester.

—¿Bakit?,— ang tuksó ni Gloria. —Hindi mo ibig na mabanggit ang mga anak, hindi mo rin ibig na mabanggit ang kanilang mga magulang, at ngayon ¿ay ayaw mo pa ring mabanggit ang kanilang mga "aguelo"? Kung gayón, ¿ay bakit hindi mo alisin dito iyang maraming tapil na nagpaparangalan ng maririkit na larawan ng mga inakay, mga kalapati, mga balod, mga batarlawin at sari-saring bato bató? Ang lahat ng iyan ay pawang angkan ng kalapati, ayán sila at may naghahalikan, may nag-aanasan, may naglalambingan, may

Biglang napansin ang buhók ni Ester na

hawak ni Oscar. Sa pakikinig nitó sa tabil ni Gloria, ay nalimutan tulo'y ang buhok na nabu-not sa noo ni Ester kaginang sila'y magulat sa biglang pagdating nilá Gloria at mga kasama.

--¡Naku!,—ang dagling dugtong ni Gloria.—
¡Santa Clarang pinong-pinol! Anó ang hawak ni Oscar?

Ang labat ng mata ay sabay na tumingin sa kamay ni Oscar.

—Buhok,—anang isa.

—Buhok nga,—ang patotoo ng isa pa.

Napangatlabi si Oscar. Noon pa lamang niya naala-ala ang buhok na kaniyang hawak.

Anyong itatago sana, nguni,t maliksing lumapit sa kaniya si Gloria, pinigilan ang kaniyang kamáy saká itinaas.

—Tingnáng ninyó, at mahaba,—aniya.

—Buhok babayi,—ang pagsiya ng isa.

—Buhok ni Ester, ang sabi ng ikalawa

—Hindi,—ang habol ni Gloria,—iyan ay buhók ni Oscar, at ang katunayan ay si Oscar ang siyang may hawak.

—Hindi gayon,—ang saló ng ikapat;—si Oscar ay hindi kulot, at siya'y walang buhók na

ganiyan kahaba. Ang buhok na iyang ay kulot at mahaba; sa makatwid ay hindi buhok ni Oscar. Dito ay walang ibang may buhok na kulot at mahabá kungdi bukob tanging si Ester; sa makatwid ay iyan ay buhok ni Ester.

—Tama na,—ang pakli ni Gloria.—Datapuwa't kung iyan ay buhok ni Ester, gay bakit kayâ si Oscar ang siyang may hawak? Ang buhok na iyan ay na sa kamay ni Oscar; sa makatwid ay ari ni Oscar, kaniyang sarili.

—Ari nga ni Oscar,—ang sali ng isa,—nguni't. . . nguni't. . . nguni't buhok ni Ester.

Biglang lumagapak ang tawanan.

—¡Aalis na ako!—ang dabog ni Ester.

Anyong aalis, nguni't siya'y malambing na pinigilan ni Gloria

Sinamantala ni Oscar ang sandaling pagkalibang ni Gloria, dumukot sa lukbutan sa tapat ng dibdib ng isang puting panyong sutla, ini-ladlad, doo'y milagay ang buhok ni Ester, sakâ muling tiniklop at isinauli sa lukbutang pinanggalingan. Sa lahat ng itó ay walang ibang nakapansin, liban lamang kay Ester.

—¡Nabasag na nga bagáng totoo ngayón ang

«mandolina» ng Centro Escolar?—ang tanong ni Gloria.

—Hindi pa,—ang salo ng isa:—nagkalagot. lagot lamang ang kaniyang mga kuerdas.

Maingay na tawanan, nguni't si Ester ay tumadyak sa sahig, sakâ nagmaktol.

—Ganiyán ngal,—ani Gloria.—Lalo kang g^u. maganda ngayong ikaw ay magsimangot. Tingnan ninyo siya: isinimâ at pinakaliit-liit ang bibig, sapagkat nagmumualan ng hangin. Ikulubot mo sana ngayon ang iyong palabirong ilong.

—Iyan nga, iyan nga:—ang sang-ayon nang iba.—Ikulubot niya ang kaniyang ilong.

—Ayaw akó,—ang laban ni Ester.

—Ikulubot mo na sana,—ang payo ni Gloria.

—Hindi na kita tutuksuhin, ikulubot mo lamang sandali ang iyong ilong.

—Bakâ hindi?—ang tanong ni Ester.

—Totoo,—ani Gloria.—Totoong-totoo.

—Totoo nga,—anang iba.

—Hale,—ang payag ni Ester.—Ayán, o.—sakâ ikinulubot ang kaniyang ilong.

Biglang lumagapak ang maingay na tawanan, at pati na nga ni Oscar at ni Ester ay napa-

sunod tuloy.

Sa malaking tuwâ ni Gloria ay niyakap na mahigpit si Ester sakâ ulit-ulit na hinagkan sa ilong.

—¡Bungsôl ¡Bungsu kol,—anya, samantalang hinahagkan.

Biglang pumasok si Gerardo.

Ang tawanan ay napipi; ang kasayahan ay dagling naparam.





KABANATANG VI

Dinaig ng munting pipit ang lawing hari ng bangis.

= o =

Palibhasa'y batid ng madlá ang dulingas na pagmanataas ni Gerardo, kayâ siya'y walang kaibigang tapat.

Si Gerardo ay may masamang gawí. Kapág siya'y nalalamangán ng kaniyang kasama, maging sa yaman at maging sa dunong, ay kaniyang kinai-inggitan, at lagi ng pinagngingitngitan at sinisiraan sa harapan ng ibá; kapag kaniyang makakapantay, ay tinitikis sa tuwi-tuwi na at pinagpapalaluan sa lahat ng bagay; kapag dukhá at nalalamangan niya sa dunong, ay kaniyang linulupig, inu-utus-utusan, at sinisigaw-sigawán sa lalong maliit na bagay.

Sa gayong dahil ay mabigat na lubhá ang

kaniyang pakikisama at siya'y kinamumuhian sa lahat ng lipunan. Lalong lalo na si Gloria, magbuhat pa noong mabalitaan niyang ipinamamamali daw ni Gerardo na sila'y nagkakasintahan, ay kinasuklamán niyang gaya ng pagkasuklam sa karimarimarim na uwod. Sapul pa noon ay siya'y pinagbantaan ng ibukó sa unang pagkakasabid.

Si Gerardo ay tuloy-tuloy na pumasok sa kabahayang iyón, hindi man lamang pinansin ang madlang dinatnan, humarap kay Gloria, sakâ yunukô, yukông parang nakatutuyâ.

—Masayang oras, marilag na Venus,—ang kaniyang bati.

Siya'y sinukatan ni Gloria ng isang maali-pustang tingin buhat sa ulo hanggang paa.

—Anó po ang ibig ninyong sabihin sa salitang Venus?,—ang kaniyang tanong.

—Ang ibig ko pong sabihin,—ang tugón ni Gerardo,—ay ang inyong kamahalan ay siyang hari ng kagandahan dito sa lupa, gaya na nga ni Venus na siyang hari ng kagandahan sa langit ng mga diwatâ.

—Salamat po,—ang pakli ni Gloria;—data-

puwa't ipinaninikluhod ko sa inyong darakilang dangal, na sa uli, at magpakailan pa man, sakaling ako'y inyong tatawagin, ay sabihin ninyo ang tunay kong pangalan. Ang pangalan ko po ay hindi Venus: ako ay si Gloria Lakan, dulâ at Laksamana.

—Kay sakit!,—ang bulong ni Oscar sa kaniyang mga kasiping.

—Siya'y natapalan!,—ang sang-ayon ng mga ito.

Biglang tinalikdan ni Gloria si Gerardo. Sa kilos niyang iyon, kilos dakila, tuwid ang katawan, taas ang noo at mapaghari-hariang mata, ay ipinahalata niyang si Gerardo. ay walang muntâ mang kasaysayan sa kaniyang harapan.

Si Gerardo ay nangatlabi.

—Ako ay linibak!,—ang kaniyang bulong.

Si Gloria ay lumapit kay Ester, parang walang nangyaring anô mang sigalot, at ngumiti ng malambing.

—Ester,—aniya,—ipinasasabi sa iyo ni mang na ipagpaumanhin mo raw ang hindi niya pagdalô dito ngayon, laban sa kaniyang nais na parangal sa iyong anyaya.

—¿Bakit?,—ang tanong ni Ester.—¿Hindi ba siya paririto?

—Hindi, at siya'y sinisinat.

Si Gerardo ay muling lumapit kay Gloria.

—Ginoo,—aniya,—akó po'y inyong linibak.

—¿At anò? ang hamon ni Gloria.

—Akò po ay hindi nagbigay ng daan, upang akó ay inyong hamakin.

—Di malayong di bumagyò,—ang bulong ni Oscar sa mga kasama.

—¿Hindi ba kayò nagbigay ng daan, upang kayò ay libakin?,—ang pakli ni Gloria kay Gerardo.—¿Sa akalá ba ninyò ay hindi daan ng libak ang tawag na "marilag na Venus" sa isang babaying hindi ninyo dating kabiruan at kaulayaw?

—Maaari pong tawagin "marilag na Venus,"—ang sagot ni Gerardo,—ang isang babaying sinisinta gabi't, araw.

—Kung gayòn,—ang mabalasik na hatak ni Gloria,—¿ay bakit hindi ninyò tawagin "marilag na Venus" ang kaawa-awang si Quintina, ang mapagtiis na Quintinang asawa ng bantog na Gerardo.

—[Sinasabi ko na],—ang sila't ni Oscar:—
bagyò na iyan.

—Nabasâ ang bagwis ng lawin,—ang sagot
ng isâ.

—Nabali ang pakpak,—ang sali ng isâ pa
Pinangdilatan ni Gerardo si Gloria.

—[Bakit?],—ang kaniyang galit na tanòng.—
[Sino ang nagsabing si Quintina ay asawa ko?

Si Ester ay lumapit kay Gerardo, daop ang
dalawang kamay.

—Gerardo,—ang kaniyang samò,—maanong
maglubay ka na.

—Hindi mangyayari,—ang matigás na sagot
nitò.—Ibig kong malaman kung sino ang nag-
sabing asawa ko si Quintina.

—[At ipagkakailâ ba ninyò ngayon?],—ang
salò ni Gloria.—[Oh! Ang gawâ ninyòng iyan
ay hindi daan ng libak; ang gawâ ninyong iyan
ay daan ng tunay ng kalapastanganan.

Sakâ biglàng tinalikdàn si Gerardo. Ngumit
hindi pa mandin siya nasiyahan sa gayòn, ay
mulí siyang hinaràp, sinukatan ng maalipustang
tingin buhat sa ulo hanggang paa, sakâ huma-
lakhak ng tawa, sabay pihit at talikod sa kausap.

--Hindi na bagyo iyan,—ang pansin ng isa.

—Iyan ay buhawi na,—ang salò ng ikalawa.

—At may kidlat pang kasabay,—ang sali ng ikatlò —Ang mga matà ni Gloria ay namimilansik ng kidlat.

--At may kasunod pang kulog,—ang dugtong ng ikapat.—Ang halakhak ng tawa ni Gloria ay mistulang kulog na may lamán.

—Oscar,—ang tawag ni Gloria,—hali na sa piano.

—Narito ang aking bisig, bungsô,—ang malambing na sagot ni Oscar, sabay lapit kay Gloria.

Ito ay umakbay sa bisig ni Oscar, at silang dalawa'y marahang tumungo sa piano.

Silà'y hinabol ni Gerardo.

—Ginoong Gloria,—aniya.

Si Ester ay maliksing lumapit kay Gerardo, at gaya kangina, ay pinagdoop ang dalawang kamay.

—¡Gerardo!,—ang kaniyang panikluhod.—
¡Maglubay ka na sana namàn!

—¡Hangall,—ang bulas ni Gerardo.—¡Huwag mo akòng linlangin.

At muling hinabol sila Gloria at Oscar.

—Ginoong Gloria,—ang muling tawag.

Si Gloria ay lumingon.

—¿Anó po ang ibig ninyóng isyu ko sa inyóng kamahalan?,—ang kaniyang malambot na sagot.

—Ibig ko pong malaman,—ani Gerardo,—kung sino ang nagsabing si Quintina ay asaawa ko

—¿Bakit?,—ang matatag na tugon ni Gloria —¿Hindi bagá ninyó narinig? Akó ang nagsabing asawa ninyó si Quintina. Akó.

—Akala ko,—ang tuyâ ni Gerardo,—na ang mga marangal na Gloria at Ruben ay sila ang naging saksi sa pagka-kasal ko kay Quintina.

—¿Anóng laking kapasiangan!,—ang tugon ni Gloria.—Ang ibig ninyong sabihin Ginoong Gerardo, ay hindi ninyo pinakikasalán ang kaawa-awang si Quintina, at dahil dito, ay siya'y hindi ninyó asawa, kungdi babayi lamang? ¿Kung gayón, ay bakit siya'y inyóng dinaya at pinagliluhán? ¿At alin ang langit at lupang hinki ninyo ipinangakò sa kanya, noong inyong kasalukuyan binibihag ang kaniyang wagas na pagkadalaga? ¡Ay sa abâ ng mga

babaying napabibihag sa kamandagang hibó ng isang karimarimmarim na hayop!

—¡Inanitan!,—ang bulung bulungan ng madlá.

—¡Linapal!,—ang dagdag ng ibà.

—¡¡¡Oh!!!,—ang buntong hininga ni Gerardo. Si Ester ay madaling lumapit kay Gloria.

—¡Gloria kol!,—ang kaniyang samò.—¡Maawa ka na sa akin! ¡Hindi mo ba nalalamang siya'y pinsang buò ko, at parang kapatid na tunay? Sakâ ngayon Hali na, hali na sa piano at sumaliw.

—Oo, halina,—ang sang-ayon ni Gloria.

Silá'y lumapit sa piano.

Si Ester ay agad naupô sa harapan ng piano at tumugtug ng isang mabilis at marikit na pasimulâ (preludio)

Si Gerardo ay maliksing lumapit sa piano, tinutop ang mga kalabitan, pinigilan ang mga kamay ni Ester sakâ siya pinangdilatan.

—Nenè,—ang kaniyang kagulat-gulat na bulas,—Huwag mong kalampagin ngayón ang iyong kumakapak na tamból. Ibig kong makausap ang narangal na Gobernadorang nabubungad sa malapit na halalan.

—¿Naringig ninyó?,—ani Gloria sa madlang kaharap.—Itong mahal na Ingeniero ay talagang ingeniero nga sa mahirap na karunungan pagdustâ sa mga babayi.

—Walâ po akong ginawâ,—ang tugón ni Gerardo,—kungdi ang kayo'y tawagin kong Gobernadora, palibhasa'y hayag na kayó po ay magiging asawa ng Doctor Ruhen na magiging Gobernador nitong lalawigan. Datapuwa't kayo ay napakamalupit sa akin; akó ay tinawag nin yóng kamandagan hayop, at

—¿At anó?,—ang sabat ni Gloria.—Kamandagang hayop ang tawag sa isang lalaking bumihimok, bumibihag at dumadaya sa kahinaan ng isang babayi, upang busugin lamang ang kaniyang mahalay na pita. Hinimok ninyó ang kaawa-awang si Quintina, at ng siya'y nakabihag sa inyong mga masasarap na pangakò, ay siya'y inalipin ninyo, pinagglupitan sa salitâ at sa gawâ, at bagâ ma't siya'y marangal, ay ikinahihiya ninyóng ipakiharap sa madiâ, na tila waring siya'y isang babaying taksil
¡Oh. Ginoong Ingeniero! Ang gawâ ninyóng iyan ay walang makasukat na pangalan! ang

gawâ ninyong iyan ay kabilâ pa ng lalong karimarimarim na kapaslangnan. Dapat ninyong malaman na si Quintina ay hindi taksil: siya'y isang martir, martir ng katampalasan at halay ng isang lalaking ganid.

—Linamog ang kaniyang mga laman at butô,—ang bulung balungan ng mga kaharap.

—¡Ako'y linibak!,—ang ungol ni Gerardo.

—¡Gloria, mahabâg ka na sa akin!,—ang kahambal-hambal na samò ni Ester, kasabay ng luhang biglâng tumalon at namalisbis sa kaniyang mga pisngi.

Si Gloria ay tumangis din.

Ang mga ibâng kaharap, lalo pa ang mga babayi, ay kulang lamang ay mangapatangis din. Si Oscar ay nagningingitngit ng galit.

—¡Patawad,—ang kahambal-hambal na hibik, ni Gloria kay Ester.—¡Ako'y iyong patawarin Neni ko! Hindi mo lamang nalalaman. Ang lalaking iyan ay ako'y siniraan ng dangal at puri sa buong bayan. Ipinamamarali niya sa balang makausap, na akó raw ay kaniyang kasintahang matalik, bago'y siya'y kinasusuklaman ko at hindi ko man siya ibig makita. At hindi

pa siya nasiyahan sa gayon, ay nakita mo nga, pagpasok na niya dito kangina, ay ako'y kaniyang linibak at tinawag na "marilag na Venus", bago'y nalalaman niyang si Venus ay sagisag ng halay sa piling ng mga diwata, at dahil sa gayon ay siya'y inilalarawan ng hubô at hubad. ¿Anó kayâ ang palagáy niya sa akin? ¿Anó at akó'y hinamak ng gayón? Makaitlong hinatak akó, nguni't siya'y; hindi ko pinatulan, sinupil ko ang aking pagningitngit, siya'y aking iniwasan at inilagan, ala ala ko'y bakâ nga sakaling dito'y magkaroon ng sigalutan. Bagá ma't akó'y kaniyang hinamak ng walang munting dahilán, ay akó'y nagtiis at parang walang anó man sa akin, alang-alang lamang sa pagmamahal ko sa iyo at sa alang-alang ko sa mga kaharap. ¿Tiniis ko ang hapdi ng kaniyang paglapastangan, akó'y ngumiti at lumapit sa piano, upang sumaliw, nguni't ako'y muli niyang tinugis, muling linibak; muling hinamon.....

¡Ester!

¡Maanong awatin mo ang iyong pinsan!

—Sinabi po ninyó,—ang sabát ni Gerardo kay Gloria,—na si Quintina ay martir ng katampala.

sanang at halay ng isang lalaking ganid.

—[Gerardo!,—ang hibik ni Ester,—]Maanong mahabag ka na sa akin!

Sakâ niya hinawakan sa kamay, at anyong itaguyod sa kaniyang silid, nguni't biglang binaltak ni Gerardo ang kaniyang bisig, kaya't si Ester ay napatapon at kaunti ng marapâ.

—[Uloll!,—aniya.—]Pabayaang imo akól

Sakâ muling humarap kay Gloria.

—Sinabi po ninyó,—ang kaniyang madiing ulit,—na si Quintina ay martir ng katampalasan at halay ng isang lalaking ganid.

Pinahid ni Gloria ang kaniyang luha nang namalisbis. Pinangdilatan si Gerardo ng halo's lumuwâ ang nanglilisik at kakila-kilabot niyang mata, sakâ nagsalitâ ng madalang, malakás, mandin at kagulatgulat.

—Oo po, Ginoong Ingeniero,—aniya,—oo po, at sinabi ko nga Sinabi ko na si Quintina ay hindi taksil, si Quintina ay martir na tunay ng inyó pong masidhing halay at katampalasan. Si Quintina ay maaaring humalobilo sa amin dito, palibhasay babaying marangal, malinis at dakilang kaupwa namin. Datapuwa't kayó, kayó pô,

Ginoong Ingeniero, ay hindi kayó maaaring humarap sa amin, ng hindi tututol na mahigpit ang aming karapatan at puri, sapagka't kayó ay hindi namin kapantáy, kayó pô ay napakababang totoo. Kayó pô ay bagay lamang doon sa ilalim, sa kailaliman, sa labak, sa pusali, upang maglublob sa burak, kasama ng mga kalabáw at baboy.

—¡Glorial,—ang tangis ni Ester.—¡Gloria ko!
¡Halina sana!

Sakâ binatak sa kamay tungo sa kaniyang silid.

Ang tabil ng mga dalaga't bagong-taong doo'y kaharap ay biglang napipi at nangilabot sa nangangatal na tingig ni Gloria. Nakita nilang bumigat na lubhá ang sigalutan.

—¡Sayang!,—ang buntong hiningá ni Gerardo.—¡Sayang at walâ isá mang lalaking managot sa babaying itó.

Si Oscar ay maliksing napagitaá at humarap kay Gerardo.

—Mairoon,—aniya.—May lalaking nanatagot kay Gloria: akó.

At dagling dinukot sa lukbutan ang kaniyang

munting kalupi, binuksan at kumuha sa loob ng isang "tarheta."

Si Ester ay biglang lumapit sa kaniyang pinsan, sakâ niyakap.

—[Gerardo!—ang kaniyang buntong hiningá,

—[Kayó po?—ang tanong ni Gerardo kay Oscar.

—Akó nga,—po, ang tahimik na sagot nitó.
—Tanggapin ninyó ang aking "targeta," at ako'y naghibintay abahín sa lahat ng oras.

Si Gloria ay maliksing lumapit kay Oscar at inagaw ang "tarhetang" inia-abót nitó kay Gerardo.

—Oscar,—aniya,—huwag kang sumunod sa bangin malalim na kaniyang kinaroroonan. Dakilang lubhá ang iyong kalagayan, at hindi ko pahihintulutang ikaw ay lumusong sa labák na pinaglulubluban ng karimarimarim na kalayang iyan.

—[Ginoong Glorial,—ang bantâ ni Gerardo.

—Dinaig ng munting pipit ang lawin hari ng bangis,—anang isang bini-bini.

—Huwag pô kayóng mainip, Ginoong Ingeniero —ang patuloy ni Gloria.—Ituro ninyó ang pook at oras na kung saan ninyó ibig na tayo ay

magsingilan at magbayaran ng utang at paulang ng isá't isá, at asahan ninyóng makikipagkita sa inyo at magdádala ng matibay na "lático" ang aking sota.

—¡Sumpâ ng . . . , ang angil ni Gerardo.

—¡Ah, tunay po!,—ang nakangiting patuloy ni Gloria.—Lubháng malaking kabutihan ang magagawâ sa inyó ng sotang aking nabanggit. ¿Nalalaman ba ninyo kung bakit? Siya po'y datihan at sanáy na sumupil at magturò sa mga kabayo at kalabaw na simarón:

—¡¡¡Lalo kang simarón!!!,—ang sigaw ni Gerardo, sabay handulong kay Gloria.

Si kápitang Luis ay biglang dumating.





KABANATANG VII

Kahapon Ngayon at Bukas



—¿Anò yoon?,—ang tanong ni kapitang Luis.—¿Anó ang naringig ko ritong anaki'y sigalutan?

Yaong kagulat-gulat na sigalutang sumimbu yó doon sa loob ng masiglang kabahayán ay naampat pagdaka sa biglang pagdating ng kagalang galang na matandâ.

Yaong mga mukhá at anyóng larawan ng galit, larawan ng sakunâ, ay maliksing nangkakapagbihis ng gayák na tuâ, gayak na luwalhati. Bukod tanging si Gerardo ay siyang hindi nakapagbago ng anyóng masungit, palibhasa'y talagáng mahigpit ang galit na naghari sa kaniyang kalooban, at siya'y waláng sapát na lakás

na maipanupil sa simbuyó ng kaniyang sariling damdamin.

—¿Anó yaon?,—ang ulit na tanong ng matandâ.

—Waláng anó man, ita'y ko,—ang malambing na sagót ni Ester.—Pinag-uusapan lamang namin ang kapusakalán nong kaawa-awang aso mong Negrong namatay kanginang umaga.

—Kung ako'y hindi nagkarirringán,—anang matandâ,—ay tila waring natinig ko rito ang salitáng “simarón.”

—Oo ngâ, itay, oo ngâ at... ¿at hindi nga ba totoo? Ang nasirang si Negro, kung tumatahól, ay mukhang buayang balo, mukhang... mukhang simarón, ¿anó itay?

Lumagapák ng tawa ang madlang na ngaroon.

—Kaawà-awà namán yaóng aking Negro,—anang matandâ.—Gayóng kabait, gayóng pagmamahal ko, ay hindi na nagpakundangang.....

Sakâ inirapan si Gerardo: parang ipinaala-ala sa kaniya yaong kaawa-awang asong pinalo niya ng binalatak (martillo) sa ulo ka ginang umaga.

—Pabayaan mo, itay,—ang amò ni Ester.

—Siya'y ipagluluksa ko, ipagpapaduplo ko ng siyam na gabi, sa katapusan ay maghahandâ

pa akó ng masaráp na pansit, at hindî akó mag-aalis ng luksâ hangáng di akó makatagpô ng kaniyang magiging kahalili. May nangakong magbibigay ng asò sa akin, mainam at hindi itim na gaya ng nasirang si Negro.

—¿Ano ang kulay ng balahibo?,—ang tanong ng matandâ.

—¿Kung anó ang kulay?

—Oo, ang kulay.

—Kulay kulay “verde,” itáy.

Muling lumagapák ng tawa ang naroon.

—Sakâ . . . sakâ hindi mukháng simaron,—ang patuloy ni Ester,—siya’y mukháng

—¿Mukháng kalapating inakáy!,—ang sabat ni Gloria.

Ang lahat ay nagtawanan

—¿Abâ langit!,—ang manghâ ni kapitang Luis, pagkakita kay Gloria.—¿Anong laking dangal dito sa bahay! Narito palá ang maluningning na binininging Gloria Lakandula, ang marilag na babaying magiging darakilang putong ng aking mga mapalad na uban.

—¿Hem! ¡hem!,—ang tuksó ni Ester, sabáy kulubot ng kaniyang ilóng.

--Kápitang Luis,—ang tugon ni Gloria,—
lumálaki pong lubhá itóng kaliitan, sa tuing
maringig ko sa inyóng mga labi ang salitang
ako'y siyang magiging palamuting putong
ng inyong mga uban.

--Salamat, bungsô,—ang pakli ng matandâ.

--¡Mamanugagin nga?,—ang bulong ni Gerar-
do.—¡Akóy naiinis dito

Sakâ siya umalis ng walang paalam.

--At ang Ginoong Oscar Dimatinag,—ang
patuloy ni kápitang Luis,—ang bantog na bina-
ta, ang magiting na Abogadong may maligayang
pag asa sa panahong sasapitin.

--Salamat po, baga ma't alangan sa akin ang
gayong parangál.

--¡Anóng pagkálalaking papuri!,—ang saló ni
Ester.—¡At sa akin, itay, sa abáng si Ester,
walâ bang parangál na gaya ng mga ipinagka-
loob mo sa marilag na Gloria at sa magiting
na Oscar?

--¡Sa iyo ba, Nenê?

---Oo, itay, sa akin.

--Ikaw,—ang sali ni Gloria,—ikaw ay siyang
bulaklak ng kagandahan dito sa dulong

Silanganan.

—Ikaw ang hari ng tapang at lakás na bumabaka sa karurukan ng makapangyarihang pag-ibig,—ang silat ni Oscar.

—Ikaw ang sibol ng lalong mátamis na lambing,—ang ulit ni Gloria.

—Ikaw ang darakilang diwang tumawag ng birò, pangarap at kahalingán sa nais na pansu-yò habang buhay sa isang dinadalanginan,—ang patuloy ni Oscar.

—Bayaning insurrecta, laban sa lahat ng kalapati at batobató, magiting na Abogada at marangál na tanungan nitong lalawagan,—ani Gloria, sabay kindat sa mga kasama.

Lumagapak ang tawanan.

—¡Kinubà ninyó akó ahl,—ang sagot ni Ester.—¡Iyan bagá ang sinasabi ninyong pangal sa akin? ¡Iyan bagá ang hinintáy.hintay kong maligayang binyág sa akin?

—Hindi binyág, kungdi kasál,—ang sabat ni Gloria.

Muling lumagapak ang tawanan.

—¡Kay sasayang mga batà nitól,—ang buntóng hiningá ng matandâ —Halina, halina kayó

at tayó'y mag-ingay ng kaunti. Ayán si Oscar at tutugtóg ng pianó, at sasaliw namán sila Gloria at Ester

—Halina,—ang sang-ayon ni Oscar.

—Halina,—ang payag ng karamihan.

—Samantalang hindi pa dumárating si Ruben,—ang patuloy ng matandâ,—ay saliwin ninyo, at para na lamang ninyóng sinasanay ang “Kahapon Ngayon at Bukas” ni Laureto Leotonini.

—Ang “Kahapon Ngayon at Bukas,”—ang pakli ni Oscar,—ay isang “melodiáng” dapat saliwan ng piano, violin at violonchello.

—Si itáy,—ang sahod ni Ester,—ay magaling tumugtóg ng violonchello. at maaaring idayo kahit saan, kahit pa man sa “Conserbatorio Musical sa Nápoles.

—Nene,—ang bati ng matandâ,—pabayaan mo na naman ang ibá, at huwag ikáw, ang mag-salitá ng ganiyan.

—Talaga pó namáng totoo,—ang patunay ni Oscar.—Bagá ma't mahabá ng panahon ang lumipas, ang inyóng violonchello ay malambing pang umaalingawngaw hangga ngayon sa ma-

ligayang kabahayan ng palacio sa Santa Potenciana sa Maynilà.

—At uma alingawngaw pa rin,—ang saló ni Gloria,—sa lahat ng pook nitong lalawigan.

—Ngayón ay akó ang kaniláng kinubà,—an kapitang Luis.

—Magtiis ka, itay,—ang payo ni Ester,—Ikaw ang may bahay, at dapat kang

—Siya,—ang payag ng matandà,—papaliksa-hin ko, kung akóy maaari pa. Datapuwát ang ibig ko sana, ay kayo'y sumaliw na parang . . . cristiano, hane. ¿Sino ang tutugtog ng violin?

—Akó, itay,—ang saló ni Ester.

—¿Ikaw na namán?,—ang sabat ni Glaria.—Ibig mo namáng pakyawing lahat ah! Sasaliw ka na, ¿at tutugtog ka pa ng violin? ¿Sukat na namán ang mataginting mong “mandolina.”

Nagtawanan ang lahat.

—Kayó na nga lamang ang bahalà,—ang payag ni Ester.—Ibig ko sana ay pati piano at violonchello ay akó pa rin ang tumugtog eh.

Muling nagtawanan ang madlá.

—¿Kay sasayá natin!,—anáng matandá,—¿Sino ang tutugtog ng violin?

—Ayon, si Salomé,—ani Gloria.

—Ang bantóg na “profesora” sa violin;—ang papuri ni Ester.

—¿Akó ba namán ang kukubain ngayón?,—ang sagot ng tinawag na Salomé.

—Hindi ka kukubain- bungsô,—ang tugon ni Ester.—Ikaw ay iluluklok sa

—Sa sungay ng buan.—ang patuloy ni Gloria.

Sakâ kinuha ang violin sa ibabaw ng piano at ibinigay kay Salomé.

—Ang kagandahan ng inyong kalooban ay siya na sanang maging kapupunán ng aking mga kakulangán,—ang sagot nitó.—Akóy hindi lubhang sanay na

—¡Maanong lagariin mo na lamang!—ang sabbat ni Ester —¡Ke dami mo pang kuntil-butill! Nalalaman naming ikaw ay talagang pangdayong gaya ng itay ko.—Sabay kulubot ng ilong.

Malakas na tawanan.

—¡Binalasbas na namán akó!,—ang tugon ng matandá.—Siya, pagbutihin niyó ang saliw, ¿ha?

—Akó,—ang saló ni Ester,—ay sasaliw na parang isang “sirenang” sisilâ ng isang Abogado

at Doctor sa Leyes, na naglalayag sa isáng dagat na waláng pangpang.

—¡Aray!—ani Oscar.

—At akó,—ang sali ni Gloria,—ay sasaliw na parang isáng

—Isáng Doctora at nabubungad na Gobernadora,—ang sabat ni Ester sabáy kulubot ng ilong.

Malakás na tawanan ng lahat.

—¡Naná!,—ang tutol ni Gloria.

—Lunukin mo na iyán,—ang patuloy ni Ester,—at bayad lamang sa mga inutang mong mga kala,pati at bato-bató.

Muling lumagapak ang tawanan.

—¡Kay sasayang mga batà,—anáng matandá

Sakâ binuksán ang “partitura ng isang tugtugin.

Paliksahin natin,— angkaniyang dugtong.

Sila’y tumugtóg ng isáng marikit na pasimulà. Kalugod-lugód ang magalaw na pag-sasalimbáyan ng piano, violin at violonchello. Bawa’t isáng “notang” ipinupukol noong malalambing na cuerdas ay nagháhatid ng di-nibulilip na tuà sa pusong nakikiramdám.

Pagdaka’y sumilát ang matagingting na saliw

ni Gloria at ni Ester. Ang kaniláng kaaya-ayang tingig ay anaking laan lamang sa mga malalaking lamayan ng mga diwatang turó ni Apòlo sa bundok ng Parnaso. Kung minsa'y lumakás na kagulat gulat, kung minsa'y huminang anaki'y hinahagod; Kung minsa'y may galit na kalagim-lagim; kung minsa'y malambing na tugib ng walang katapusang pag-ibig; kung minsa'y malumbay na parang tagulaylay; kung minsa'y masiglang anaki'y awit ng pagtatagumpay, alinsunod sa kahulugán ng salitang isinasaliw, at sa lahat ng itó ay magagalaw na nagsasalimbayang tila waring iniipo-ipo sa paghahabulan at paglalaruan kahalobilo ng mga maramdaming piano violin at violonchellong anaki'y sadyang ipinakilubib sa kaliga-ligayang tingig ng dalawang bimbini. Narito ang saliw.

— — — o — — —

KAHAPON NGAYON AT BUKAS

— — — o — — —

KAHAPO'Y si Irang Bayang Filipinas saganà sa yamang walang makatumbas; KAHAPON ay layâ lahat niyang anak, pawang mga busóg, pawang malalakás.

NGAYO'Y nararatay, maghingalô balos,
ang tangis ng abá'y kakilakilabot;
NGAYO'Y pawang gutóm ang anak na irog,
sa sariling bahay silá ang busabos.

—O—

BUKAS pamimitak ng unang liwayway,
babangon si Iná kasabáy ng araw;
BUKAS magsasabog sa anak na tanán
ng biyaya't lakás, tuwa't kalayaan.

—O—

—¡¡¡Muy bien!!! ¡¡¡Muy bien!!!,—ang sigawan
ng maraming taong nananhiik sa hagdanan, ka-
sabáy ng maingay na palakpakan.

—¡Bah!,—ani Gloria,—May mga ~~nanunubok~~
palá sa atin.

--Naringig ko ang tingig ni Ruben,—anang
matandâ.

Silá'y anyong magsisilabás, nguni't nakasalu-
bong na nili sa pintuan silá Rubén at ang ka-
niyang maraming mga kasunaháng pawang nag-
sipasok sa kabuhayán, at sampo pa ni Gerardo
ay kanilang kasunod.

—[Si Rubén ngâ!,—ang buntóng hiningá ni Gloria.

—[[[Rubén!!!,—anang lahát na doo'y dinatnan.

Si Rubén ay humalik ng kamay sa kaniyang amá, kinamayán si Gloria ng ubos lugod at lambing, hinagkán ng buong tuwâ at pagmamahal si Ester sa noo, niyakap ng di karaniwang siglá si Oscar at kinamayán ng tainutin na lugod ang lahát na doo'y dinatnan.

Ang mga kasamahán ni Rubén ay pawang mga taong litaw na nagsipagbuhat pa sa ibat-ibáng bayang sakop noong lalawigan at nagsisalubong kay Ruben buhat pa sa Maynila, npang manggaunang magparangal at magbigay ng masayang oras sa kanilang mutyang kaibigan, dahil sa pagtatamó niya ng dakilang kati-bayang Doctor sa Panggamot

Gayon na lamang ang mga kasayahan at ingay ng mga pagbabatian.

Si Ruben ay isang makisig na binatà, kasingtaas ni Gerardo at nakakawangis pa ng kaniyang pagmumukhâ, lalo't nagkaka-ayos ang hawi ng kanilang buhók at sila'y kapuwa nakabihis ng itim noong gabing iyon. Ang

kaibhán lamang ni Gerardo kay Rubén ay ang marikit na kilay nitó, ang kaniyang maamong mata at ang tila waring nakananging bibig, na di gaya ng kilay ni Gerardo na halos magka-abot sa gitná ng noo, may sukáb ang matá at tila waring nakatutuyáng bibig. Datapuwa't ang kanilang mga noo, ilóng, babà, hugis ng mukhá bikas at lakad ay talagáng walang pinag ibhán.

—¿Sino ang mga tumatalindaw dito?,—ang tanong ni Rubén.

—¿Marikit ba, o hindi marikit?,—ang saló ni Ester.

—Hindi,—ang sagót ni Rubén.—Hindi marikit.

—Kung gayón ay hindi akó ang tumatalindaw,—ani Ester, sabáy kulubot ang ilóng.

—Eh lalò ng hindi akó,—ang sali ni Gloria.

—¡Abá marikit!,—ang habol ni Rubén.—¡Nakú, napakarikit!

—¡Ayan!,—ani Ester.—Kami ni Gloria ang sumasalíw eh. Kapag marikit, ay huwag ka ng magtanong at asahan mong kami na ngá.

Nagtawanan ang lahat.

—Ulitin ninyo, ulitin,—ang hiling ni Rubén.

—Ulitin ngâ, —ang sang-ayon ng iba.

—Ulitin,—ang utos ni kápitang Luis.

Tinugtog na muli ang pasimulâ, at muling sumahw sila Gloria at si Ester.

Narito ang ulit:

—O—

KAHAPON NGAYON AT BUKAS

—O—

KAHAPO'Y si Inang Baya'y nakangiti,
KAHAPO'Y masigla't linuluwalhati;
KAHAPO'Y malayâ ang diwâ ng Labi;
sa sariling buhay siya'y naghahari.

—O—

NGAYO'N ay nagluksá't, nasa isang sulok;
NGAYO'Y tumatangis at naghihimutok;
NGAYO'Y ang kaniyang kamáy ay may gapos;
ang diwâ ng Labi'y mistulang busabos.

—O—

BUKAS ay ang gapos kusang lalagutin;
BUKAS ay ang luksa'y kusang huhubarin;
BUKAS ay papanaw ang lahat ng dilin,
si Ina't ang Lahi'y sakâ luluningning.

— — o — —

—¡¡¡Muy bien!!! ¡¡¡Muy bien!!! —ang sigawan ng lahat.

—?Bakâ ibig pa ninyo?,—ang tanong ni Ester.

—Ibig pa nga namin eh,—ang sagot ng karamihan.

—Hintay muna,—ang tutol ni kápitang Luis.—
Nagbihintay ang hapunan at nalitip na ang mga sikmura. ¿Anó ang inyóng palagay?

—Halina,—ani Ruben,—at dini sa hapag na natin itulóy ang "KAHAPON NGAYON AT BUKAS.


—Halina. halina,—ang sang ayon ng lahat.





KABANATANG VIII.

'Hapunan at Talumpati



¿Sabihin pa kayâ ang kasayahang umiral sa hapunang iyon? Ang mga nagkasalo-salo, ay pawang mga magkakaibigan, at ang karamiha'y mga magkakamaganak pa. Gayón pa may mawiwikâ nating nagkapinsan sa linigid-ligid ng mahabang hapag na iyon ang ipinakikipamayang lakás, dangál at katalinuhan ng buong lalawigan, sapagka't doo'y nagkalipunang binuklod ng matalik na pagmamahalan ang lahat na magigiting na mabihirap, márurunong at mayamang pinaka-haligi at suhay ng bubay sa lahat ng bayang sakóp noong nasabing lalawigan.

Doo'y walang anó mang pagkukunuari, walang talipandás na kabinhinang gaya ng karani-

wang makita sa mga darakilang lipunang anaki'y tunay na "carnaval", na kung saan nagkakahalobilo ang mga maririkit na "máscara", at nagpapainamang balatkayô, maging sa ngiti at maging sa salitâ.

Sa hapunang iyon ay pawang pagtatapat, pagmamahalang taimtim at saganang kaluwalhatian ang umiral. Bukod tanging si Gerardo ay siyang nagsasalitâ ng anak'y pilit lamang: nagdidilim ang pagitan ng kaniyang kilay, at tila waring may malaki at mabigat na bagay na dumadagán sa kaniyang pagüsip.

Subali't sa harapan namán noong kalagim-lagim na anyô ni Gerardo, ay masayang naglalarô ang malambing na tabil ni Ester. Napanahunan at napalapat ang kaniyang mataginting na "mandolina" kaya't sari-saring maririkit na tugtugin ang kaniyang sunod sunod na binitawan, mga tugtuging lalong dumarakilâ, sa tuwing salimbayin ng matinis na saliw ni Gloria, si Gloriang pinakadiwatâ noong maligayang lipunan.

Ang naglutò ng hapunan ay isâ sa mga pinakabantog na "cocinero" doon sa lalawigan, ngunit ang gumawâ ng "menú", sa makatwid, ang pala-

tuntunan ng mga pagkain, ay dili iba't kungdi si Ester, kaya't lumabas na maayos.

Narito ang

MENU

- 1—Sopang "Eleili (l at i)
- 2—Pucherong "Balintawak"
- 3—Apahap "Gobernadora"
- 4—Pabong "Gobernador"
- 5—Talabang "Abogadong palakâ"
- 6—Mayang "Mandolina"
- 7—Lechon "Isurrecto"
- 8—Lapulapong "Pag-ibig"
- 9—Usáng "Independencia"
- 10—Sari-saring matamis "Ng pusô"
- 11—Champagne "Talumpati"
- 12—Sorbeteng "Kasalan"

—o—

Bawa't makabasa ng nasabing "menü" ay napapatawa ng di gayon lamang.

—Masarap nga sana ang ating "menü",—ang paluk ni Gloria kay Ester,—ngum't ang pintas ko lamang ay walang makay ng kalapati.

—Wala ngang makay na kalapati,—ang tugon ni Ester;—subali't may pabong gobernador

namán, may apahap "Gobernadora" at may talabá pang "Abogadong palakâ."

—¡Aray!,—ani Oscár.

Lumagapak ng tawanan.

Sumapit ang oras ng "champagne". Nagputukan kabi-kabila ang mga prungò (botella), Ang mga malalandáy na singgalong ay nangalamnán ng malinaw, mabangó, bumubulá at umaasong alak.

Si Rubén ay tumindig, itinaas ang kaniyang singgalong, saka nagsalita ng ganito:

—Mga mahal na Ginoo; naghahandog akó sa pangalan at dangal ng masasamyong bulaklak na nagbibigay ng di mahulilip na kaligayahan dito sa mapalad na lipunan.

—¡Mabuhay ang mga masasamyong bulaklak!,—ang tugon ng mga lalaki.

—Naghahandog din akó,—ang dugtóng ni Rubén,—sa pangalan at kagitingán ng mga lalaking kaharap dito ngayon, mga lalaking suhay ng ating lalawigang kinámulatan.

—At sa katapusan,—ani Ruben,—ay naghahandog din namán akó sa pangalan nitong darakilang lipunan, kasabay ng nais kong luma-

wig sana habang buhay ang ating taimtim at matapat na pagmamahalan.

—[Mabuhay ang pagmamahalan!,—ang sagot ng lahat.

Nagpingkian ang mga singgalong nangadit sa mga labi, napagtitikman ang mga laman, sakâ muling nangapabalik sa hapag na pinanggaligan.

Ngayón.—ani Ruben,—ay ako'y pahintulutan ninyong pumili at mag harap ng isang mananalumpati. Alang-alang sa haba ng kaniyang naranasang buhay sa silong ng langit, marahil ay tayo'y nakapupulot ng mga malinamnam na bunga ng mayabong niyang panayam.

Ikinadadangal kong iharap sa inyo si kápitang Luis Gatsalian.

Matunog at mahabang palakpakan.

Si kápitang Luis ay tumindig, ngumiti at nagsalitâ ng ganitó.

---Natatalastas kong mangmang yayaring dilâ, nguni't natatalastas ko rin namang ang inyong mga puso'y tigib sa lalong malulugding damdamin: kayo'y sanáy na magpunô sa kakulangan ng isang gaya kong salát sa lahat ng

dunong. Dahil dito, sakali mang ako'y madulás at mabuwal, dala ng aking lupaypay na katan-daan, ay hinihintay kong ako'y inyóng itayô, at paka asahan ninyóng bagà ma't ako'y gumugupù na, ay dadamay din akó at hindi hibiwaláy sa inyo magpahanggang sa libingan.

Masigabong palakpakan ng mga kaharap.

«Ngayong ako'y pinalad na mapasalamuha sa inyo,—ang patuloy ng matandâ,—ay lumuluksó yaring pusò sa malaking tuà, sapagka't sa inyong masasayang ngiti, matatalas na tingin at malagablab na pag-iisip ay namamanaag ang ligayang pangakò ng panahong sasapitin. Kung anò ang kahoy ay siya rin ang tatal; kung anò ang punò ay siya rin ang bunga; kung anò ang binhi ay siya rin ang ani. Ang ibig kong sabihin, ay yayamang kayó ay pawang mga matangkakal, mga makabayan at mga pantás, ang inyong mga supling ay lilitaw din mga matangkakal, makabayan at pantás, at ang mga supling ninyong iyan paka-asahan ninyó, ang mga supling ninyóng iyan, ay silá ang babawi at magtatayô ng kayamanan, puri at dangal na ibinagsak ng mga ilang taksil sa ating darakilang Lahì.

Mahabang palakpakan.

«May sakit ang ating bayan,—ang dugtóng ng matandâ —Kailangang tayo'y pumukaw at siya'y bigyan ng lakas, upang makabangon sa pagkaratay. Dalawâ ang sibol ng lakás ng bayan: una'y ang kayamanang salapi at karunungan, at ikalawa'y ang kayamanang yabong at dangal ng Lahi. Ang kayamanang salapi at dunong ay ibinibigay ng matiyagáng kasipagan, nguni't hindi iyong kasipagang lumulupig sa mga maralitâ, kungdi iyong kasipagang marunong magbigay ng karapatan sa lahat, iyong kasipagang nagiging matibay na bigkis ng mga mayayaman at mahihirap, upang sila'y magyakapáng parang tunay na magkakapatid, at magdamayán sa hapis at sa tuâ, sa kariwasaan at sa kahirapan, sa kabuhasan at sa kamatayan.

Anyóng papalakpak ang lahat, nguni't sila'y biglang natigilan, dahil sa dagling patuloy ng matanda:

«Ang kayamanang yabong at dangal ng Lahi,—aniya,—ay ibinibigay naman ng pag-ibig nguni't hindi ang pag ibig na naglililo sa isáng kaawa-awang babayi, at hindi rin naman ang

pag ibig nagkakánuló sa dangal ng isáng lalaki at lalo pang hindi iyong pag ibig na “balimbing” na may mukhâ saan man mapaharap; hindi iyong pag-ibig na “giringpulá” na humaharap sa balang panggalingan ng hangin; kungdi iyong pag-ibig na wagas, marangal, taimtim at malulugdin; iyong pag ibig na nagbubuhol sa dalawáng hiningá upang magkadugtong; iyong pag-ibig na humibigkis sa dalawáng pusò upang magkayakapang matalik; iyong pag ibig na nagbububô sa dalawáng kalulwa upang magkaisa; iyong pag ibig na humaharap sa dambanà ng Maykapal upang ipangakò ang banal at walang kupas na pagmamahalan hanggang sa libingan.

Maingay at mahabang palakpakan.

—Lunukin mo iyan,—ang anas ni Oscar kay Esetr na kaniyang kinakanan

«Dahil sa gayón,—ang patuloy ni kapitang Luis,—at ng upang makabangon ang bayan sa kaniyang pagkaratay, ay kailangan lubos: una, kayong mga mayayaman at marurunong ay magpakasipag at makipantay at makikapatid sa mga dukha at mangmang; ikalawa, kayong mga dalaga't bagong tao ay pumili ng inaaka-

Ia ninyóng may wagas, taimtim at malugod na pag ibig sa inyó, di kailangan mayaman ó duk-hâ man, huwag na di marangal, mabait, masipag at di gumon sa mga "vicio", at kayo'y mangag-asawa na sa madaling panahón, upang kayo'y makasuyo sa bayan at mahandugán ninyó ang Lahi ng marami, matatabâ, malalakas, mga pantas at matangkakal na mga anak.

Palakpakang halos hindi matapos.

Kinurot ni Gloria sa hità si Ester na kaniyang kinakaliwâ.

—Ang dalaga ó bagong-taong magpalipas ng panahón at di mag-asawa hanggang sa tuman-dâ, ay hindi tunay na alagad ng Maykapal. Ang wikà ng Maykapal ay ganito:—"Crecite et multiplicanini" (Magsilaki at magpakadami kayó.) ¿Ano't hindi ninyó tuparin itong mahigpit na bilin ng Maykapal? Ang dalaga at bagong-taong hindi mag-asawa ay waláng pinag-ibhân sa "higuerang" isinumpâ ni Jesus: nagdadahon lamang, datapuwa't hindi nagbubunga. Ang dalaga't bagong-taong hindi mag-asawa, ay waláng maisusuyò sa Lupang Tinubuan. ¿Mabibili kayâ ninyó ng yutâ-yutâ mang piso bawa't isang

anak? Akalain ninyóng bawa't isáng sanggol na maihandog ninyo sa Lupang Tinubuan, ay isáng matibay na suhay ng ating mithing pagsasarili.

Matunog na palakpakan.

Mag-asawa ka na,—ani Gloria kay Ester, sabay kurót sa hità.

—¡Aray nakuuul,—ang daing ni Ester.

—¡Hinog na hinog!,—ang bulong ni Oscar.

—¿Ang alin?,—ang tanong ni Ester.

—Ang talumpati ni kapitang Luis,—ang sagot ni Oscar.

—Kaya palá nasarapan mo ah,—ang pakli ni Ester, sabay kulubót ng ilóng.

Itinaas ng matandà ang kaniyang singgalon.

—Naghahandog akó,—ang kaniyang patuloy: una, sa pagdating ng anak kong si Rubén; ikálawa, sa wagás na pag-ibig na nagbibigay ng lakas sa bayan; at ikatló, sa pagsasariling buhag sa lahat ng oras ng Lahing Filipino.

Palakpakan na nanán.

Muling nangataas ang mga singgalong, sakâ nagsipagbalik sa hapag na pinangalingan.

Si Rubén ay timindig.

Hindi akó nagkamali,—aniya,—sa sinabi

kong tayo'y makapupulot ng malinamnam na bunga sa malabay na talumpating ating naringig. Ngayón ay magsasalitâ naman ang isang dalagang, kung bantog man sa yaman at dilag, ay lalò pa namán sa timyas ng mabining kalooceban. Siya'y isang darakilang Reina. Ikinadadangal kong ibarap sa inyó ang marilag na binibining Gloria Lakandula at Laksamana.

Masigabong palakpakan.

Si Gloria ay tumindig.

--Mga Ginoo:--ang kaniyang pasimulâ.--
Kailán pa ma'y hindi ko dinandam ang puról niaring pag-iisip at ang bagal niaring dilâ, na gaya ngayong ako'y mahirang na magsalita dito sa matalinong lipunan. Nais ko sanang matumbasan ng isang maluningang na talumpati ang nakasisilaw na dunong ng mga kabarap, data-puwa't mahinâ akóng lubós, walang bagwis ang pahat kong pag-iisip kaya't kahit anóng luksó ang aking gawin, ay hindi mandín akó makaaa bot sa libis man lamng ng inyong matayog na kapantasan. Tunay at ako'y may kaunting na mumungan kung ang pag-uusapan sana ay hinggil sa mga inakáy na kalapating naghihi-

niksikan, (nagtawanan ang madlâ at kinurot sa hità ni Ester si Gloria) Subali't kung gaya ngayón, na pawang malalaking bagay ang mga kailangan ihayág, mga kasinglaki ng bunying Doctor na ating pinasasalubungan ngayon, mga kasinglaki ng magiting na hinihirang na maging Gobernador nitong lalawigan, ay dinaramdam kong lubhâ ang ako'y walang kayang iparangal sa kaniya, liban lamang sa taimtim kong nasang siya sana ay sumikat na parang isang malaking talà sa Lupang Tinubuan, upang siya'y maging paraluman sa mga bayan at gubat, sa matatanda't bata, sa mayayaman at dukhâ, at matanglawán ang buhay ng madlâ sa landas ng biyaya at dangal na minimithi ng ating nagdaralítang bayan.

Palakpakan.

«Alinsunod sa salitâ ng pantas na si kápitang Luis,—ang patuloy ni Gloria,—ay ninanais ko rin nainán: una, ang lahat na may-asawa at lalalong lalò pa ang mga kaharap dito ngayon, ay magsipagsupling sana ng mga anak na pantas, bayani at matangkakal, upang sila'y maging suhay ng bayang pinagtítibay; ikálawa ang mga

mayayaman at mga maralitâ ay magmahalan sana, at magdamayang parang tunay na magkakapatid habang buhay; ikatlo: ang mga dalagat bagong-tao ay makátagpô sana ng kaisangdibdib na mabait, marangál, masipag malulugdin at malanibing; ikapat: ang pinakamamahal kong Ester ay makapakipag-isang pusò sana sa isang Abogado, kahit "abogadong palakâ" lamang, at gayón din, ang minamahal kong si Oscar ay makátagpô sana ng isang binibining matimyas, matalino, marangal at kasing-ganda't lambing ng isang "Mandolina".

—Tama na,—ang bulong ni Oscar.

Matunog na palakpakan.

Muling kinurot na ubos lakas ni Ester si Gloria.

—[[[Aray nakuuu]]],—ang anás nito.

—[“Masiado” ka naman ahl,—ang bulong ni Ester.


Itinaas ni Gloria ang kaniyang singgalong.

Inihahandog ko itong “champan”,—aniya,—sa marangal na Doctor Ruben Gatsalian, na sa kabila ng kaniyang maraming puyat at pagod ay nakarating sa tugatog ng karunungan kaniyang linayon. Inihahandog ko

rin namán dito sa marangal na lipunan,
kasabay ng nais kong lumawig sana ha-
bang buhay itóng ating taimtim na pag-
mamahalan.

Muling palakpakan at taasan ng mga
singgalong.





KABANATANG IX

Abogadong Palaka, Kupidong manok, Haring Alipin Ulu- pong na makabayang.



Matapos maiharap ni Ruben ang mga ilang Tagapanalumpating pawang naghandog ng "champan" sa pangalan ng bagong Doctor na pinararangalan at sa pangalan ng lipunan, ay kaniyang iniharap si Ester na kaniyang kapatid.

Si Ester ay tumindig at nagsalitâ ng ganitô.

—Kagalang-galang na mga maginoo at pinakamamahal na mga kapuwa bata: Sa "Centro Escolar" na pinasukan namin ng marilag na kaibigan kong si Gloria, ay akó'y tinagurian ng masarap na pamagat na "Mandolina" at dito sa lipunan itó ay ako'y tinawag na nga ng "Mandolina" ng ating maluningning na Reina, marahil ay dahilán sa inaakala niláng ma-

lambing at mataginting ang aking tingig Data-puwa't. Bagá mat ang tingig ko'y kásingsamá ng sa inakáy na kuago (at di inakáy na kala-pati) ay pagpipilitan kong tuminis ang paos kong pananalitâ, upang matumbasan ko ang marikit na taguring "Mandolina", at tuloy tu-tugtog akó ng malambing na huning akmâ sa mahiwagang awitng isang Doctora't nabubungad na maging Gobernadora nitong lalawigan.

Palakpakan at tawanan-

—Kukurutin kitá; jikaw ang bahalâl,—ang bulong ni Gloria kay Ester.

«Hindi akó sang-ayon sa sinabi ni kápitang Luis, hinggil sa pag-ibig, sapagka't waláng pag-ibig sa buhay na itó. Katunayan: ang lalaki samantalang gumigiri sa isang babayi, ay walang kilos na di panunuyò, waláng salitang di pamimintuhò, pagsunod, paglalambing at pagmamahal. Malaglagan ka lamang ng paypay ay maliksi na niyang dinarampot at ibinibigay sa iyo; kumilos ka lamang ng babagyâ, ay tinatanong na niya kung anó ang iyong kailangan; lumakad ka lamang ng isang hakbang, ay ini-hahandog na ang bisig, upang masamahan ka

kahit saan. Datapuwa't kung ikaw ay mabinguit na niya, hindi ka man lamang tusrin; magpakabihis ka man ng marikit ay hindi ka na niya pansinin; yakapin mo man siya sa liig ay hindi ka rin lilingunin, at ibig pa niyang gumiri-giri sa iba, di kailangang pangit man, kahit balihantot, huwag lamang ang kaawa-awang asawang sabik sa kaniyang mga suliyap.

Matunog na palakpakan.

—|Tamang tamal,—ani Gloria.

—|Lisyang lisyal,—ani Oscar.

«At ang katwiran ng magmoong lalaki ay narito,—ang patuloy ni Ester:—“Masarap nga sana ang apahap, nguni't kung siya ng siya sa araw-araw, ay nakapagsasawa rin; kailangan ang tuyung tunsoy, dilis at iba pa, upang mabago sa panglasa. Sa makatwid, ang pag-ibig na inihandog nila noong sila'y gumigiri pa lamang, sa dakong huli ay kanilang ihinalintulad sa pagkain, kaya't ang dulo'y nagiging katakawan na lamang ng katawán sa katawán ng iba. Walâ silang pmag-ibhan sa tatiaw: bala ng dumalaga't inahin ay ginigirian. ¿Pag-ibig bagá naman ang ganiyan? Kapag nagkagayón, ay kailangang tayo'y

dumakip ng isang sisiw, takpan natin ang kaniyang dalawang matá, pagyamanin natin siya sa isang "monumento" at isigaw nating "Mabuhay si Cupidong Manok!"

Palakpakan at tawanan.

—Sarili ko ang gugugulin sa "monumento,"—ani Gloria.

—Ipopospas ko namán si "Cupidong Manok",—ang tugon ni Oscar.

Muling tawanan.

«Huwag ninyóng pagtawanan si "Cupidong Manok" ang dugtong ni Ester sapagka't may sumasambá sa kaniya: ang sumasambáng itó ay alang'ing isla at alangán ding lamáng kati, may madidilat na matá at malakás na tingig. Nalaman ninyó kung sino? Siya'y isang "Abogadong palaká."»

Malakás na tawanan.

«Tunay,—ang agaw ni Ester,—siya'y "Abogadong palaká," sapagka't siya'y nakatingalá sa langit habang panahón, kokak ng kokak, at waláng lubay ng katatalón upang sapitin ang "Cupidong Manok" na kaniyang dinadalanginan. Paka-asahan ninyó na kapag ako'y nayamót, ay

huhulihin ko ang nasabing, "Alogadong palaka," aking iihaw sa sigâ ng ikinokokak niyang pag-ibig, at siyang iaambag ko sa piging ng kasal ng bagong Doctora't nabubungad na Gobernadora nitong lalawigan.

Palakpakan at tawanang hindi matapos tapos.

Iinaas ni Ester ang kaniyang singgalong.

«Inihahandog ko itong "Champan," aniya:—una, kay "Cupidong Manok," ikalawá, sa "Abo-gadong palakâ"; ikatló, sa aras at velo ng marangal na Doctora't Gobernadorang nabubungad, Reinang nagpapaluningning at nagbibigay ligaya dito sa kagalang-galang na lipunan.

Matapos ang mga palakpakan ay tumindig si Ruben.

—Naringig na po nilá,—aniya,—ang tugtugin ng "MANDOLINA" sa Centro Escolar. May mataginting na tingig, magagalaw na "nota" at malambing na huni. Ngayón pakingan naman natin ang magiting na pantas, ligayang bayan, Abo-gadong bantog sa kasipagan at dunong. Ikinadadangal kong iharap sa inyó si Ginoong Oscar Dinatinag.

Matapos ang pasalubong na palakpakan, si

Oscar ay tumindig at nagsalitâ ng ganito:

—Mga kababayan:

«Baga ma't ang "Cupidong Manók" at ang "Abogadong Palakâ" ay kapuwa maririkit na tugtugin, palibhasa'y mga tugtugin bitaw ng mataginting na "Mandolina" sa Centro Escolar, ay tatalikdan ko muna sandalî, at sasamantalahin ko itong mapalad na oras, upang makapagsalitâ sa inyong harapan ng isang mahalagáng bagay, hinggil sa ikapapalâ ó ikapapanganyayâ nitong ating kinamulang lalawigan.

«Akó,y magsásalitâng hinggil sa paghirang ng dapat maging Gobernador dito sa lalawigan.

«Ngayón pa'y ipinag-papauna ko, na kayó'y walang mahahagilap na salitang maririkit sa aking maralitang panayám; subali't kung ang nais ninyong kamtan sa isang talumpati ay hindi ang balatkayong bihis na karikitan ng mga higkás, kungdi ang lamang katotohanang dapat ilapat sa buhay at pakikipamayan, ay isinasamò kong buksán ninyó ang laha't na pintuan ng inyong mga damdamin, sapagka't maraming katotohanan ang aking isasabog ngayón dito sa harapan, upang kumalat sa

lahat ng sulok nitong lalawigan, at maging mabisang lunas na laban sa salot ng sakim sa pangangatungkulan, na walang ibang hangarin kungdi ang linugaw na handog ng pamabalaan.

«Barid ninyó, na buhat pa man noong unang panahón, ay hindi kakaunting buhay dugó, pawis at kahirapan ang pinuhunan ng ating mga nuno, sa pagbawí sa karapatán ng bayang lupig. Sa kaluwatan, iyong maraming pagtitilis na bumukol sa lahat ng puso at utak ay biglang pumutok at sumiklab, naglagablab ang himagsikan sa Sangkapuluan, at sa gitnâ ng dugóng bumulwák, sa ibabaw ng laksa-laksang bangkay ng mga anak ng Bayan, ay naitatag at naitayô ang isang maluningning na Republika, iyong Republikang pinag-yaman ng Lahi sa bayang Malolos.

«Datapuwa't, palibhasay madalian ang nasa-bing Repúblika ay hindi nagkaroon ng sapát na tibay, kaya't sa unang bagyong bumugsong bitaw ng mga amerikano ay lumagpák, at marami sa atin ang mga nadaganán.

«Ngayón ay kasalukuyang naghahandâ na namán tayo ng mga kasangkapan, upang ma-

kapagtayô sa kapanahunang sukat ng bagong Republica.

«Kami ay nagkausap ng Gobernador General, at sinabi niya sa akin na ngayo'y kasalukuyang pinag-aaralan ang isang kautusang pailalin dito hinggil sa halalan: ang halalang ito'y dili iba kungdi ang pagsasanay sa paghahari ng bayan sa kaniyang sarili.

«Nguni't samantalâ, ay kailangang siya'y humirang ng isang tubò rito, upang maging Gobernador nitong lalawigan. At bagâ ma't hindi pa umiiral ang panukalang halalang bayan, ay nais niyang buhat pa ngayon ay bayan na rin ang pumili sa ating magiging Gobernador. Dahil sa gayón ay siya'y nagpadalâ ng liham, sa lahat na mámamayang litâw dito sa lalawigan, gaya na nga ng inyong mga tinanggap, at siya'y humihiling ng sanguni, hinggil sa kung sino ang may lalong sapat na karapatang maging Gobernador dito sa lalawigan —«Kayó ang pumili, aniya,—sa magiging pinaka-haligi ng inyóng huhay»—Kapag ang pinili nating pinaka-haligi ay haliging bulak lamang at hindi mulawin, ay paka-

asahan ninyong lalagpak ang ating itinatayong bahay, at walang ibang madadaganaan at madurog kungdi tayo-tayo rin.

«Sinabi ko ang gayóg, saaagka't natatalastas kong may mga iláng kalalawigang halintulad sa punó ng bulak, ay nagsihabol na maging pinaka haligi ng ating bayan. Kilakilá na nga ninyó kung sino sila. Ang mga nabangit ay hindi isinaloob kailan pa man ang hangarin sa ikapapálâ ng buhay ng madlá; hindi isinaisip kailán pa man ang bigát ng kaniláng sagutin sa harapan ng bayan at sa harapan ng kasulatan ng Lahi. Ang mga nabanggit ay walang ibang layunin sa pangangatungkulan kungdi bukod tangging ang linugaw na umaapaw at tumatapon sa malaking katingan ng pawis ng bayan. Ang mga nabanggit, samantalang kayo'y binihimok upang silá ang inyong hirangin sa inyong kasagutan sa liham ng Gobernador General, ay nangagbabalat kayô ng kalugod lugod na ngiti, masasarap na salitâ at malalambing na yakap, at tulóy ipinangangakò ang langit at lupang lalalangin nilá sa madaling panahón.

Subalit kung silá'y naluluklok na sa darakilang likinuang kanilang hangad, ay mapaparam ang masayang ngiti sa kanilang mga labi, makakatkat sa kanilang dilà ang malalambing na bigkás; mapaparam na parang asó ang langit at lupang kanilang pangakò; at saká sisimulan ang pagbahari-harian na tila waring walang kakilalang kababayan kungdi bukod tanging ang kanilang mga kampo. Ang mga nabanggit ay may mga ulong walang pinag-ibhan sa pantog: lumulutang sapagkat punò ng hangin. Ang mga nabanggit ay walang pinag-ibhan sa bombo: matunóg, nguni't walang laman, Ang mga nabanggit ay walang pinag-ibhan sa haliging bulak: malalaki, matataas, matutuid, mapuputi, nguni't hindi man lamang maaring panggatong, sapagka't nagdaraig at ayaw magningas sa lagablab ng pag ibig sa Lupang Tinubuan. Sa madaling salitâ, ang mga nabanggit ay siyang tinatawag na "Alipin ng Lugaw."

Matunog at mahabang palakpakan.

«Mairoon pa,—ang patuloy ni Oscar.—Magmasid-masid kayó at inyóng makikita ang mga ilang nagbabalat kayò ng pagka-makabayan,

upang sampalatayanan ninyong pawang kabutihang ang lahat niláng kasamaan. Ang mga ito ay siyang naghahayag sa Sansinukuban na ang manggagawang filipino ay tamád, tekas at tulisan; ang mga itó ay siyang nagpupumilit humingi ng isang kautusán, upang kaniláng alipinin ang kaaawa-awang nagkautang, ó idalhág kayá sa bilangguan kung hindi makabayad, tulag sa isáng magnanakaw; ang mga itó ay siyang humihiling ng mga laksa-laksang manggagawang insik, upang patamnan ng tubó sa kanilá ang lupang dinilig ng pawis ng ating mga nuno, at hindi na nilá inala-ala, na paglipas ng tatlong buan kabiawan, palibhasa'y ang mga nasabing insik ay wala ng sukat gawin sa bukid, ay sápilitáng magsisipumulós sa bayan, upang agawin namán ang lahat na hanap buhay ng mga maralitá: sila'y mananahi, magbabarbero, magpaplatero, magaanluagi, mangu-ngutsero, magkakargador, mamamalakaya, magtitindá, at sa gayong paraan ay hihititin nilá ang natitirang kaunting dugô ng bayan, sasamsamin nilá ang kaunting kaning isinusubo natin sa ating mga anak. At silá, siláng nagbabalat-

kayô ng pagkamakabayan, silang humihiling ng laksa-laksang mangagawang insik, ay nangagpa-pakasarap ng buhay sa tugatog ng kanilang karurukan, at di kailangan ang makita man nilang nangangatal ng gutom ang mga maralitâ, di kailangan ang makita man nilang mangamatay na dila't at malalalim ang mata, huwag di lamang magkaroon sila ng mga manggagawang insik na masipag at mura, at hindi tamad, tekas at tulisang gaya raw natin

¡O mga mahal na kapatid! Ang mga taong binanggit ko ay siyang tinatawag na "Makabayang Ulupong," at ang mga ito'y masasamâ pang di hamak kay sa mga "Alipin ng Lugaw" na sinabi ko kangina. Kung kayo'y ayaw mapanganyaya, ay kayo'y huwag lubhang lalapit sa kanila, sapagka't kapag nagkataon at dumiliin, ang panahón, bumugsô ang unós, kumidlat at kumulog, ay paka-asahan ninyong ang mga "makabayang ulupong" na iyan ay siyang unang sasahibarin at kakalikawin ng mainit.

Maingay na palakpakan.

¡Bakit?,—ang dugtong ni Oscar.—¡Nagsi-akyat bagá sa bibitayán sila pari Burgos, Gomez at

Zamora, naghandog bagá ng buhay sa Bagongbayan silá Rizal at ibá pang mga martir, upang ibigay lamang natin sa manggagawang insik ang lahát na pagkabuhay ng ating mga marálitang kapatid, upang ipasaka lamang natin sa kanila iyang mga bukirang dinilig ng dugô nilá Andres Bonifacio, Emilio Jacinto, Edilberto Evangelista, Mamerto Natividad, Antonio Luna at laksa pang bayaning pawang anak ng bayan? Hindi nga: sila'y nangamatay, upang itong lupalop ng buong Filipinas, kahit anó pa man ang mangyari, ay pangasiwaan at maging aring sarili ng Lahing Filipino.

Palakpakan na naman.

«Kayâ nga,—ang patu'oy ni Oscar.—Kayong nagsitanggap ng liham sa Gobernador General, upang ipagtapat sa kaniya ang kalalawigan nating may lubos na kaya at karapatang maging Gobernador nitong ating lalawigan, sa mga araw na itó ay kayó'y may mahigpit na kapanagutan sa harapan ng Maykapal at ng Lupang Tinubuan. Na sa iyóng kamáy ang ikapapalâ ó ikapapanganyaya ng ating bayan. Ang sino mang magbili ó magkanulo ng kaniyang

halal, "voto" ó pamimili, ay masahol pa kay Judas, sapagka't si Judas ay walang ibang ginawâ kong di ang ipagbili lamang ang kaniyang darakilang maestro; datapuwa't ang ipinagbibili ng nagbibili ng kaniyang "voto" ay dili ibá kungdi ang kaniyang kaawa-awang Iná, ang kaibig-ibig na Inang Filipinas Pakatandaan ninyó. na bawa't isáng "votong" mapagkalanuló sa mga bulong at kalabit, ay isang madiing dagok sa tumatangis na pusò ng kaawa-awang Inang Bayan. Kayâ ngâ, kung nais ninyong makatupad sa inyóng mabigat na sagutin, kung nais ninyóng kayó'y mabilang sa mga matangkakal na anak ni Filipinas, kung nais ninyóng mapalâ ang buhay sa kasalukuyan at lumuwalhati sa panahong sasapitin, ay huwag ninyóng ipagkaloob ang inyóng mahalagáng halal kungdi doon sa inaakalâ ninyong tunay na makabayan, sa marunong at may kayang magtanggol ng ating katwiran at karapatan, sa nakikilala ninyong dating nakikipagkapatid at kusang dumadamay sa mga dukhâ, sa hindi naghahagilap ng linguw sa hangad na pangangatungkulan, sa inaakala ninyóng mabuwal man

siya ó mabulid sa bangin. ay pilit na itataguyod ang bayan sa landas ng mithing pagsasarili.

Muling palakpakan.

«Ngayón,—ang agaw ni Oscar,—ay tuturingan ko ang pangalan ng isang pantas, bayani, kapatid ng mga dukhâ, suhay ng katwiran, ulirân ng dangal, hindi nagkakailangan ng lugaw sa katingan ng pamahalaan, hindi haliging bulak hindi makabayang ulupóng, pangalang umaalingawgaw sa lahat ng pook nitok lalawigan. Ang pagtatagumpay niya ay siya ring pagtatagumpay ng karapatan, siya ring pagtatagumpay ng bayan. Nalalaman ninyó kung alin ang pangalang iyan? Ikinadadangal kong isigaw ng ubos lakás ang karbig-ibig na pangalan ni Doctor Rubén Gatsalian.

Palakpakang hindi matapostapos.

—¿Kita mo?,—ang tuksong anás ni Ester kay Gloria.—Asahan mong Gobernadora ka na.

—¡Maanong mapakali ka, Nene,—ang makitol ni Gloria:

Itinaas ni Oscar ang kaniyang singgalong

—Inihahandog ko itong “champan”,—aniya,—sa pangalan nitong marangal na lipunan, Inihahandog ko rin namán sa pangalan ni Doctor

Ruben at sa kaniyang pagtatagumpay sa tungkuling Gebernador nitong ating lalawigan.

—¡Mabuhay ang ating lalawigan.

—¡Mabuhay ang ating nabubungab na Gobernador Ruben Gatsalian!,—ang sigaw ng isá.

—¡Mabuhay! ¡Mabuhay!,—ang sagot ng lahat.


Gaya rin kangina, nagtaasan ang mga singgalong saka muling nangagsibalik sa hapag.





KABANATANG X

Dinagít ng mga Lawín



Si Ruben ay tumindig at siya naman ang humigkás ng isang talumpating marikit at busog sa masasarap na laman. Tatlong mahalagang bagay ang kaniyang tinukoy: una, ang mabuting pamamahala sa bayan; ikalawa ang pagmamahalan at pagdadamayán ng mga maralitâ at mga mayayaman; at ikatlo, ang mga bagay na sukat gawin, upang ating madaling kamtán ang mithing Kasarinlan sa loob ng lalong madaling panahon.

Natapos iyong masayang hapunan at talumpatian, nagsipasok ang lahat sa maaliwalas na kabahayan, at samantalang itinatatag ng mga bagong-tao't dalagang nangaroon ang pasimu-

lang rigodón, ay nagbubulungan ang magkapatid na Ester at Rubén.

—Rubén,—aní Ester,—humiram ka ng panyo kay Oscar.

¿Bakit pa?,—ang sagot ni Rubén.—Ako'y may panyo na. ¿Anhin ko ang kaniyang panyô?

—Ibigay mo sa akin: kailangan ko.

—¡Ah! ¿Gayon ba? Oo: ngayón din.

Anyong lalapit si Ruben kay Oscar, nguni't siya'y pinigil ni Ester at muling binulungán.

—Huwag kang tumanggap ng ibang panyô, —aniya,—kundi sariling ang panyong na sa bulsa niya sa tapat ng dibdib.

—Oo,—ang sagot ni Ruben, sakâ lumapit kay Oscar.

Nais makuha ni Ester ang panyong na sa bulsa ni Oscar sa tapat ng dibdib, sapagka't nalalaman niyang ang panyong iyón ay siyang kinabalutan ng buhok na nabunot kangina sa kaniyang noo, na di talagang sinadyâ, kungdi sa pagkagulat lamang nila ni Oscar.

—Oscar,—aní Ruben,—pahiramin mo muna ako ng isáng panyô.

—Oo: heto, ang sagot ni Oscar.

At anyong dudukot ng panyô sa lukbutan ng salawál, nguni't maliksing binuno: ni Ruben ang panyong nakaungos sa bulsang na sa tapat ng dibdib ni Oscar

—Ito ang ibig ko,—aniya.

—May lamán iyan,—ang samò ni Oscar.

—Kayâ nga siya kong ibig,—ang sagot ni Ruben.

Si Oscar ay kinabahan, at si Ester ay napangiti, samantalang inilaladlad ni Ruben ang panyô.

—¡Abál,—aniya. —¡At may lamang buhok!

Sumapit silá Gloria at mga ilang dalaga't bagong-tao

—Ang buhok na hawak ni Oscar kangina — anang isa.

—Ang buhok na "relikyas",—ang salò ni Gloria.

Pumasok ang isang lalaking may taglay ng isang "tarheta"

—Magandang gabi po,—aniya,

Magandang gabi po namán,—ang sagot ni Rubén.—¡Anó ang atin?

—¡Sino pu ba ang Doctor Rubén dito,—ang tanong ng bagong dating.

—Ang buhok na “relikias”,—ang saló ni Gloria.

Pumasok ang isáng lalaking may taglay ng isang “tarheta”

—Magandang gabi po,—aniya.

—Magandang gabi po naman,—ang sagot ni Rubén.—¿Anó ang ating?

—¿Sino pu ba ang Doctor Rubén dito,—ang tanong ng bagong dating.

—Mag-utos po silá,—ang sagot ni Ruben.

—Ipinabibigay po sa inyó ni Don Bernardo Sanchez itong kaniyang “tarheta”,—ang patuloy ng bagong dating.—At hindi na raw po niya sinulatan, sapagkát hindi makasulat ang kaniyang kamay: nabutas pô sa gitná ng palad, at ayaw tumigil ang dugong dumadaloy. Kaya ngá, ipinasasabi na po lamang sa inyó, na kung mangyari sana, ay siya’y dalawin ninyo sandali, upang maampat ang dugô at malagyan ng gamot ang kaniyang sugat.

—¿Bakit? Napaan siya?,—ang tanong ni Ruben.

—Silá po’y namaril ng ibon doon sa aming nayon. Kanginang nagtatakip silim ay kanilang linilinis ang baril. Ewan kung anó ang nang-

yari, ang baril ay pumutok at ang mga perdigones ay tumamang lahat sa palad ng kanilang kamay na kanan,

—¿Saan siya naroon ngayon?

—Sa aming bahay po.

—¿At saan ang iyong bahay?

—Diyan po sa ibayo ng ilog.

—Paalam akó sandali sa iyóng lahat,—ani Rubén sa mga panauhin.—Si Don Bernardo Sanchez ay isá sa mga pinagkakautangan ko ng loob, at hindi maaaring hindi ko siya daluhan ngayon din.

Muling tiniklop ni Ruben ang panyong may lamáng buhok, saká inilagay sa kaniyang buisang na sa tapát ng dibdib.

—Papalitin kó ang panyong iyan,—ani Oscar.

—Mamayâ tayo mag-usap sa aking pagbalik,—ang sagot ni Ruben.

Pagdating niya sa hagdanan ay humabol si Ester.

—Ruben,—aniya,—akin na ang panyô,—Oo: mamayâ, pagbalik ko —ang sagot nitò, saka matuling nanaog at umalis, kasama ang sa kaniyâ, y sumundò.

Sila'y nagdaan sa isáng botica, gumawa ng isang "receta" si Rubén, kinuha ang kailangan gamot saka ipinadala sa kasama.

—Samantalà ay nagsasayawan ng rigodón sa bahay na kanilang iniwan.

Sapagkát maluwat ng sirâ ang tulay sa loog ng bayang iyon, kayat si Ruben at ang kaniyang kasama ay sumakáy sa bangkang naghihintay sa kanilá sa pampang. Sila'y tuma-wid at umahon sa kabilang ibayo. Doon ay may dinatnan silang limang lalaking pawang may hawak na revolver: isa sa mga itó ay si Dimas.

Si Ruben ay kinabahan pagkakita sa kanilá, lilo't doo'y walá siyang naratanawang bahay na malapit. Gayón pa man ay siya'y hindi kumibô at nagmasid.

Lumapit sa kaniya si Dimas.

—Kaibigan,—aniya:—dito'y walang Bernardo Sanchez na nasugatan. Kailangan lamang na ikaw ay aning ipagsama ngayon, at kung ikaw ay ayaw mamatay, ay sumunod ka't huwag lumaban, yayamang wala ka ring sukat na mailaban. Ikaw ay sumunod na malubáy at huwag

kang mag-ala-ala.

Narundamang nanglamig ni Rubén ang kaniyang buong katawán. Inisip niyang kung siya ma'y lumaban sakali, ay sayang lamang, sapagka't bukod sa walâ siyang magagawa, ay di malayong siya pa ay mapanganyaya sa kamay noong mga taong anaki handang lumapastangan sa kaniya.

—¿Anó ang ibig ninyó sa akin, at saan ninyó akó dadalhin?,—ang kaniyang tanong.

—Sakâ mo na malalaman,—ang sagot ni Dimas.—Ngayon ay sumama ka na lamang sa amin.

—¿At kung ako'y ayaw sumama?,—ang muling tanong ni Rubén.

—Ikaw ay aming babarilin,—ang tugón ni Dimas, sabáy tudla ng rebolber kay Ruben

—¿Sasama ka o hindi?,—ang kaniyang ulit.

Sapagkát si Ruben ay may lubos na pag-asang siyáy walang ginawang masamá sa kapuwâ tao, kayá't di niya akalaing siyáy ipapahamak at sukat ng sino pa man, sa walang munti mang dahilán. At palibhasa'y siya'y may katutubong lakás ng loob, ay minagaling na nga ang su-

mama sa mga taong iyon, lalo't ibig niyang makita at malaman kung anó ang kailangan sa kaniya.

—Sasama ka o hindi?—ang lalong mabalasik na tanong ni Dimas.

—Sasama akó,—ang sagot ni Rubén.

—Gapusin ninyo,—ang utos ni Dimas sa mga kasama.

Lumapit ang isa kay Rubén at inilagay sa kaniyang kamay ang "esposas"—na ibinigay kangina ni Gerardo kay Dimas.

—Kidlat,—ang tawag nitó.—Kayóng dalawa ni Buhawi ang siyang magdadala kay Doctor Rubén. at siya'y ihatid ninyó sa tabi ng sapang malalim sa bundok ng Tangos. Huwag ninyó siyang sasaktan: kayó ang bahalà. Ako'y hintin ninyó doon.

Si Dimas ay dumukot ng isang panyong malaki sa kaniyang lukbutan, tinupi nang pahabâ, ipinulupot sa tapat ng matá ni Rubén, sakâ pinagbalik-balik na pinihit.

—Kidlat,—aniya,—kunin ang inyong mga kabayo.

Si Kidlat ay tumupad. Siya'y lumapit sa

isang punò ng kahoy na kanlong at kinalagan ang tali ang dalawang kabayong doo'y nahahan-dâ, sakâ inakay sa harapan ni Dimas.

—Ikaw Buhawi,—ang utos ni Dimas,—ay siyang makakaangkas ng Doctor sa kabayo, at si Kidlat ay susunod sa inyong likuran. Sumulong na kayó. Tayo'y magkita bukas ng hapon sa bundok ng Irig.

Pinasakyàn kay Ruben ang isang kabayo, at sa kaniyang likuran ay umangkás si Buhawi. Si Kidlat ay sumakáy namán sa isang kabayong natitirá, sumunód sa kanilang likuran at yumaong mabilis.

—Ang utos ni poong Gerardo ay ganitó,—ani Dimas sa mga kasamang naiwan,—Ikaw, Tiktik ay muli kang pumanhik sa bahay ni kápitang Luis, at itanóng mo doon kung sino si aling Gloria. Sabihin mo sa kaniya na, sa-pagka't hindi lamang maaring iwan ni Doctor Rubén ang kasamang may sugat na si Don Bernardo Sanchez, ay ipinakikiusap na siya'y manaog sandali at ang Doctor ay may isang mahalagang bahay na ipagbibilin sa kaniya. Pagdating ni Gloria sa lansangan, ay pangkohin

mo agad at maliksing iabòt sa akin sa ibabaw ng kabayo, sakâ ka sumunod sa aking likurán. Kayó, Kulog at Bagyó, ay magsisakáy din kayó sa inyóng mga kabayo, magpáhuli lamang kayó ng mga limang puong dipá at sumunód din kayó sa aming likurán. Datapuwa't pagsapit natin sa Sangang-daan diyan sa dulong nayon, kami ni Tiktik ay tutulóy sa dakong kanan tungo sa dakong silanganan, samantalang kayóng dalawá, Bagyó at Kulog, ay bumali sa dakong kaliwâ, tugo sa Hilagaan. Pagdaka'y kayo'y magpapatok, upang kayo'y siyang hatakin ng mga habol. Sa papagayóng paraan ay kami'y makalalayô ng waláng pangnib. Kayo'y makipagkita sa akin bukas ng hapon sa ating "real" sa bundok ng Irig.

—Mainam na balak,—ang sang-ayon ni Kulog

—Mainam ngâ,—ang susog ni Bagyó at ni Tiktik.

—Halina kung gayon,—ang pasiya ni Dimas.

Sila'y nagsisakáy sa bangkang sinakyán kangina ni Tiktik at ni Ruben, sakâ tinawid ang ilog.

Sila'y umahon sa ibayo, nangasipagtulo'y sa

dulong nayo, nagsipasok sa isang bakurang may isang dampang walang kasiping na bahay, at kinalagan ng tali ang kanilang apat na kabayong doo'y nahahandâ, mga kabayong pawang matatabâ at makikisig, kanilang pinagsasakyan, nagsiuwî ng bayan at nagsipagtuloy sa daang kinalalagyang ng bahay ni kaputang Luis.

Ng may mga dalawáng puong dipa na lamang ang layò nilâ sa nasabing bahay, silâ ay nagbulungan at lumapit-lapit pa ng mga sampung dipa, marahang-marahan ang lakad, at nagsipaghintô sa dilim na anino ng isang malabay na manggang na sa tabi ng daan.

Si Tiktik ay umbis, itinali sa bakod ang kaniyang kabayo, sakâ pumanhik sa bahay.

Dinatnan niya ang sayawang "vals".

Nagkataong si Gloria ay hindi nagsasayaw sa sandaling iyon, at siya'y tumungo sa labâs, kaya't sila'y nagkasalubong ni Tiktik sa tapat ng hagdanan.

—Utang na loob po,—ani Tiktik sa kaniya

—¿Anô po ang atin?,—ang tugon ni Gloria

—¿Sino po ba si aling Gloria?

—Akó po, at mag-utos kayó.

—Sala nat po: ipinasasabi po lamang ni Doctor Ruben sa inyó, na kung ma ari ay manaóg lamang kayó sandali dian sa daan, sapagka't siya'y may isang mahalagang bagay na ipagbibilin, at hindi mya maiwan si D, Bernardo Sanchez na kaniyang kasama.

—Bakit hindi sila pumanhik dito?

—Sapagka't si Don Bernardo Sanchez po ay may malubhang sugat.

—Ang Don Bernardo bang iyan ay siyang kaputukan ng baril sa kamay?

—Iyan nga po.

—Halina,—ani Gloria,—at dagling nanaog Si Tiktik ay sumunód sa kaniyang likuran.

—Nahan silá?—ang tanong ni Gloria kay Tiktik, pagdating nilá sa daan.

—Ayón po,—ang sagot ni Tiktik, at itinurò ang kaniyang mga kasama.

—Bakit at siláy na sa dilim?—ang tanong ni Gloria —

—Upaug sila raw po ay huwag ng makita dian sa bahay, at bakâ pa sila'y anyayahang pumanhik,—ang sagot ni Tiktik.

Palibhasa'y si Gloria ay tiwalang lubós, kaya't siya'y lumapit sa mga nangangabayo. Pagdaka'y biglâ siyang pinangkó ni Tiktik at inia-
bot kay Dimas.

—¡¡¡Gikban akó!!! —ang ubos lakás na sigaw ni Gloria

Bala má't lubhang maingay ang "val" na tinutugtog nila Oscar, kápitang Luis at Salomé, palibhasa'y si Ester ay na sa tabi ng lilib, ay kaniyang ná pansin ang sigaw ng nagpapagibik.

Siya'y biglang kinabahan.

—¡¡¡Gikban akó!!! ¡¡¡Gikban akó!!!,—ang lalong malakás na sigaw ni Gloria.

—¡Si Gloria! ¡Nagpapagibik si Gloria sa daan! —ang sigaw ni Ester, sabay takbó at na-naog sa hagdanan.

Sa kaniyang likuran ay parang ibinuhos na sumunod sila Oscar, kápitang Luis at lahat na panauhin.

—¡¡¡Gikban akó!!! ¡¡¡Gikban akó!!!,—ang kakilakilabot na sigaw ni Gloria sa malayò, sa ibabaw ng kabayo ni Dimas na kasing-bilis ng hangin.

Ang lahat ay nagsihabol, bagá ma't waláng mga taglay na sandata. Si Oscar ay siyang nau-una sa lahat, kasunod ang mga ibang lalaki, sampo pa ni kápitang Luis, Gerardo, Ester at iba pang mga babaying panaubín. Habang sila'y tumatakbó ng paghabol ay kanilang pinupulot sa lansangan ang bala ng mahagilap na bató, urang o anó mang sukat na magamit sa gayóng labanan.

Sila Dimas at mga kasamang tulisán ay nangakarating na Sangang-daan sa dulong nayon. Si Gloria ay hindi na nagpapagibik, sapagka't siya'y hinimatay.

—Malayò pa ang mga habol,—ani Dimas kay Kulog at Bagyo.—Kami na Tiktik ay tutuloy na diní sa dakong kanan, nguni't kayóng dalawá ay maghintay dito, at mamayang malapit na silá, ay kayo'y magpapatók sa itaas saká kayo magtuloy dian sa isang landas sa dakong kaliwa. Gayon ang mahigpit na bilin ni poong Gerardo at bahala na raw siya sa mga habol, upang sila'y diyan nga magsipagtuloy sa dakong kaliwa, at kaming may dalá kay Gloria ay lumigtas ng walang munting

panganib dini sa dakong kanan.

Pagdakay si Dimas ay nagpatakbo ng matulin kasunod si Tiktik

Hindi nalaguan at nagsidating ang mga habol.

Alinsunod sa utos ni Dimas, si Kulog at si Bagyo ay kapuwà nagpapatok ng tigalawa sa hangin, sakâ mabilis na nagpatakbo sa landas na na sa dakong kaliwâ, tungo sa Hilagaan.

Habulin silâ diyari sa kaliwang landas,—anang isang malakas na sigaw.—Ayon silâ, at nauuna ang may dala kay Gloria. ¡Sa kaliwâ! ¡Sa dakong kaliwâ!

Ang sigaw na iyon ay tingig ni Gerardo.

Silang lahat ay nagsihabol sa landas na pinasukan nilâ Bagyo at Kulog.

Ang kabayo ni Kulog ay natisod sa isang bató, naparapâ, at ang sakây ay napatapon sa dakong harapan ng kabayo. Sapagka't ang kabayong itó ay mabait, pagkakitang nahulog ang kaniyang panginoon, ay naghintó.

Palibhasa'y nauuna si Bagyo kay Kulog, kayat hindi niya napansin ang pagkahulog nitó sa kabayo. Datapuwa't ng siya'y malayo na,

at nalingunang walâ sa kaniyang likurán ang kaniyang kasama, ay biglang naghintô at naki randám. Naringig niya ang sigaw ni Kulog

—¡Bagyó, halikal,—aniya.

Si Bagyó ay dagling bumalik.

Si Kulóg ay napilayan mandin, kaya't naghihirap ng pagtindig.

Malaki ang agwát ni Oscar sa kaniyang mga kasama, kaya't siya ang unang nakarating sa kinahulugan ni Kulóg. Pagkakita nitó kay Oscar, ay pinag ubos ang lakas, maliksing tumindig at kaniyang binaril ng hawak na rebolber. Ngunit si Oscar ay hindi tinamaan, at dagling niyapos si Kulog, ihinampas sa lupa, kinubabaw, inagaw ang kaniyang rebolber sakâ tumindig. Si Kulóg ay tumindig din, at anyóng susugurin si Oscar, kaya't siya'y binaril nitó, tinamaan sa dibdib at nabuwal.

Ang lahat ng itó ay nangyaring mabilis.

—Bagyó,—ang sigaw ni Kulóg —¡Ipaghiganti mo akó!

Siyang pagdating ni Bagyó. Binaril niya si Oscar, kaniyang tinamaan sa bisig na kanan, at nalaglag sa lupa ang hawak na rebolber.

Pagdakay muling sinambót ng kaliwang kamay, sakâ binaril namán si Bagyo, nguni't hindi tinamaan.

Nagdatingan ang mga habol na kasama ni Oscar.

Pagkakita ni Bagyo sa maraming taong habol, ay bumaril sa kakapalan, tinamaan sa ulo ang isang lalaki, at agad nabulagta at namatay.

Si Bagyo ay nagpatakbô ng ubos tulin.

Hinawakan ni Oscar ang rienda ng kabayo ni Kulóg, sakâ hinabol si Bagyo. Ang kaniyang kaliwang kamay ay siyang may hawak ng rienda ng kabayo, at siya pa rin ang may hawak ng rebolbor: ang kaniyang kanang kamay ay laylay, at hindi na magamit.

—¡Malapit na ang mga habol! Tulinan niyó upang huwag abutan ang babayi,—ang magdarayang sigaw ni Bagyo, na tila waring kaniyang sinisigawan sa dakong unahan ang mga may dala kay Gloria.

Pagkaringig ni Oscar sa gayong sigaw, ay lalò ng pinapagtulin ang sinasakyang kabayo. Noong may mga labing limang dipá na lamang

ang kaniyang layò kay Bagyo, ay kaniyang binaril, tinamaan ang kaniyang kabayo sa punò ng buntot, kayá't itó ay bigláng napaluk-só ng ubos lakás at nahulog ang nakasaka'y. Paglaka'y muling binaril ni Oscar si Bagyóng dinatnan paniyang nakahandusay sa lupà, data-puwa't ang rebolber niya'y hindi na pumutok: lilima ang punglô nitó, at naubos ng lahat. Si Oscar ay maliksing bumabâ sa kabayo, kinubababaw si Bagyo sa lupà, sakâ inaagaw ang kaniyang rebolber. Palibhasa'y hindi maring tumulong ang kamay na kanan ni Oscar, kayá't kapag nawala ang kaniyang kamay na may hawak ng rebolber, at napasingitang binaril si Oscar sa kaliwang tagiliran. Si Oscar ay biglang nabaligtad, at si Bagyó ay nakatindig, maliksing sumakay sa kabayo ni Oscar, nagpatakbong ubos tulin, sakâ sumigaw.

—Narito na ang mga habol,—aniya.—Tulinan ninyó ang pagdadala niyang babayi.

Ang mga lalaki ay nagsihabol kay Bagyo.

Pagkakita ni Ester kay Oscar, ay dagling linapitan

—¡Oscar!,—aniya.

Si Oscar ay hindi tuminag at hindi sumagot:
—[[[Patáy!!! [[[Patáy si Oscar!!!,—ang malakás
na sigaw ni Ester.

Si kapitang Luis na kasalukuyang dumara-
ting, kasama silá Gerardo at mga ilang babayi
ay nangagsidaló kay Oscar. Ang ibang mga
habol ay nangaiwan sa daan, sapagka't hindi na
silá makatakbó.

Si Bagyo ay nakataanan, at ang habol na
tumutugis sa kanya ay nangagsibalik. sapag-
ka't hindi na silá tumagál ng paghabol sa
anaki lumilipad na kabayong sinasakyan ni
Bagyo.

—Mabuting simulá,—ani Gerardo sa sarili.—
May umagos na dugó.

Si Oscar ay humingá, ngunit hindi pinagsa-
ulán ng diwá.

Wakas ng Unang Bahagi

Pahayag

Ang pangalawang bahagi nitong nobelang
“ANG BUHOK NI ESTER” ay kasalukuyang
linilimbag, at lalabas sa katapusan ng susunod
na buang Enero ng 1915.

Maglalaman ng sampung maririkit na kaba-
natà, na itò ngang mga sumusanod;

——«O»——

- I—Gumagalaw Ang Ulupong.
- II—Ang Babaying Lalaki.
- III—Mabisang Kamandag.
- IV—Ang Halik Ng Bangkay.
- V—Lagaring Ginto.
- VI—Si Juana At Ang Kaniyang Kalapati.
- VII—Limang Libong Piso Sa Isang Buhok.
- VIII—Ang Pagsisisi Ni Dimas.
- IX—Ang Himutok Ni Ester.
- X—Bagong Judit.

——«O»——

Huwag limutin ang aming direccion.

AURELIO TOLENTINO

206 G. TUASON

SAMPALOK

MANILA.

Kasulatang Ginto

Ito'y siyang pamagat ng isá sa mga pinakamarilag na nobelang tagalog na kathâ ni Aurelio Tolentino.

May sampung mahahaba, malalaman at nagpapainamang kabanatâ, na itò ngang mga sumusunod:

—«O»—

I—Sangdugô.

II—Bagong Araw

III—Tatlong Bituin.

IV—Ang Haring Maliwat.

V—Malagablab Na Pag-ibig.

VI—Si Nunung Sinukuan, Ang

Kaniyang Mga Tikbalang At Mga Tianak.

VII—Labanan Sa Gubat.

VIII—Ang Bangis Ng Panibughô.

IX—Kakila-Kilabot Na Lihim.

X—Katapusan.

—«O»—

Sa biglang pagbasa sa nobelang "KASULATANG GINTO" ay mamamanghâ at luluwalhatiin ang pag-iisip, sa pagmamasid at panoonood sa mga darakilang buhay na sipi sa pinaka-tampok ng Kasulatan ng Lahing Malayà, hinggil sa mga kaugalian at dalisay na pag-iibi-

gan ng mga angka ng mga Lakhan at Gat noong unang panahong bago dumatal dito ang bansang kastila.

Sukat na ang bagay na itó, upang ang nobelang KASULATANG GINTO ay magkaroon ng karikitang ganap, na dapat paghanapin ng lahat na mabiliging magliwaliw sa mga mahalong nobela, at makinabang sa mga nakukubling yaman ng Kasulatan. ng ating Lahi.

Subalit hindi itó lamang ang inihahandog ng nobelang KASULATANG GINTO sapagka't kung ito'y aalagataang mabuti ng pag-iisip, ay may malalasapang linamnam na pumupukaw sa damdaming nahihimlay, at nagbibigay ng masik. hay na pag-asa sa luksang ala-ala ng panahong lumipas: sa kabilá ng lahat ng iyan ay masiglang namamanaag ang nasirang watawa't ng Lahi, iyong watawat na sinagisagan ng isang Araw at Tatlong Bituin, na maluwat ng ibinaon ng Pamahalaan.

Sa makatwid, sa ibabaw ng libingan ng ating watawat ay doon din itinayô ng kumat. há ng kaniyang "Kasulatang Gintó, upang sa tuwi-tuwi na'y alalahanin ng bayan, na sa loob

ng nasabing libingan ay nalagak ang watawat na sinilungan ng Lahi at ng Republica Pilipina.

Basahin ninyó, at kayo'y masasarapan.

Kahapon Ngayon at Bukas

Ang nobelang KAHAPON, NĠAYON AT BUKAS, (Larawan ng Bayan) na tulâ ni Aurelio Tolentino, ay siyang pinaka-kaluluwa noong dramang pinamagatan din ng KAHAPON, NĠAYON AT BUKAS na ilinabas sa dulaang «LI. BERTAD» dini sa Maynilà, noog ika 14 ng Mayo ng 1903, palabas na sinalakay at ginuló ng maraming amerikanong pawang may mga hawak na rebolber. Dahil sa nasabing drama, ang kumathâ nitó ay nahatulan sa apat na kasalanganang tinatawag na «Sedición», «Conspiración», «Robelión» at «Insurrección».

May pitong mayayamang kabanatà, na ito ngang mga sumusunod:

- 1—Talimhagang Paalam
- 2—Ang Libingan Ni Lakhang Bayan.
- 3—Watawat ng Kalayaan.

4—Ang Mag-inang Bibag.

5—Pangakong Mahigpit.

6—Maligayang Kababalaghan.

7—Natupad ang Tipan.

Upang mapagwari ang saganang sarap ng nobelang KAHAPON, NGAYON AT BUKAS, ay alagatain na lamang ang kaniyang sumusunod na

PATUNGKOL

«O»

Sa iyo bayan kong pinakaliibig,
handog itong bunga ng pahat kong isip:
ito'y munting binhi ng dakilang nais,
sa puso ng lahi ay ibinahasik.

Palibhasa'y bunga ng lantang halamang
hindî napadilig ng patabâng LUGAW,
kaya at mapait, mapakla't maanghang,
sa dilang may sugat ay di ngani bagay.

Nguni at sa dilang walang munting sakit
ay talagang lunas na di mahulilip:
lunukin mu lamang, ay tutubong pilit,
at mamumulaklak sa pusô mo't bait.

May sampung taon ng ito'y itinanim
sa lupang matabâ ng iyong damdamin;
di na inakalang panaho'y madilim,
sa langit ng buhay bagyo'y nabibitin.

¿Di anóng nangyari? Bumugsô ang unos,
ako'y sinambilat ng bagyong may poot,
at sa isang bangin ako'y inihulog,
ang laman ko'y buto'y nagkadurog-durog.

Nguni't kahit minsa'y di akó dumaing,
hingalô ng buhay ay di ko pinansin;
yaring mga mata'y doon itiningin
sa KAHAPON NGAYON at BUKAS na taning.

¿At anó ang aking naging kasalanan?
¿Anó at dadaing, ano't mamamanglaw?
¿Kasalanan bagá ang magtanim lamang
ng tuyot na binhing bandóg ko sa buhay?

Tadtarin ang pusò, durugin ang utak,
labnutin ang dila, maaaring lahat;
kung ang kaluluwa'y tahinik at wagas,
dustang kamataya'y walang kasingsarap.

Nakita na natin, sa mga libigan
ng mga bayani'y namitak ang araw;
yaong mga patáy ay muling nabuhay
sa buntón ng bangkay ng maraming buhay.

Kayâ nga at ngayong parang may-liwanag,
anaki'y naparam ang masingsing ulap,
muling itatanim ang binhing pangarap,
bunga ng KAHAPON ng NGAYON at BUKAS.

Sakali't bumagyó, at ako'y tangayin,
at gaya ng una, mabulid sa bangin,
masarap sa pusò, aking tatanggapin

at di magsisisi, magpahangang libing.

Ang nobelang KAHAPON, NGAYON AT BUKAS ay tulad sa isang pakayang (mina) ginto, samantalang sinasayod ang kaniyang kalaliman, ay lalong dumadami ang natatagpuang kayamanan.

Walâ ng pinaka-mahalagang handog sa isang kaibigan, at pinaka-mayamang «aginaldong» pamasko at pang-bagong-taóng ukol sa mga kagaganak at minamahal na binibini, na gaya ng mga aklat na nangabanggit sa itaas,


HALAGA

Kasulatang Gintô 40 sentimos

Kahapon, Ngayon at Bukas . . 30 sentimos

Ang mga nagnanais magkaroon ng mga nasabing nobela ay maaaring sumulat kay AURELIO TOLENTINO, 206 G. TUASON SAMPALOC MAYNILA, kalakip sa loob ng "sobre" ang halaga ng mga nasabing aklat, maging pilak, o maging "giro postal" man, at maaasahang tatanggapin nila sa pagbabalik ng Correo.







UNIVERSITY OF MICHIGAN



3 9015 04224 4874

